

491.99-5
Թ-88

ՅԱՐՈՒԹԻՒՆ ԹՈՒՄԱՆԵԱՆ

ՀԱՅՈՑ ԱՇԽԱՐՀԱԲԱՐ ԼԵԶԻԻ

Հ Ա Մ Ա Ռ Օ Տ

ՀԱՄԱԶԱՅՆՈՒԹԻՒՆ

ԳՈՐԾՆԱԿԱՆ ՎԱՐԺՈՒԹԻՒՆՆԵՐՈՎ ԵՒ ՔԵՐԱԿԱՆԱԿԱՆ ԽՆԴԻՐՆԵՐՈՎ

Ստորին եւ Բիշին դպրոցների համար

491.99-5
Թ-88

Թ Ի Ֆ Լ Ի Ս


Էլեւթ. տպարան Օր. Ն. Աղանեանի, Պոլից. № 7

1911

Книжный магазин
"ГИРЬ"
Тифлисъ.

19 APR 2013

6320



04 MAY 2010

ՅԱՐՈՒԹԻՒՆ ԹՈՒՄԱՆԵԱՆ

425
43-ԹՈ

պ 43

ՀԱՅՈՑ ԱՇԽԱՐՀԱԲԱՐ ԼԵԶԻԻ

491.99-5

Թ-88

ՀԱՄԱՆՈՏ

ՀԱՄԱԶԱՅՆՈՒԹԻՒՆ

ԳՈՐԾԱԿԱՆ ՎԱՐԺՈՒԹԻՒՆՆԵՐՈՎ ԵՒ ՔԵՐԱԿԱՆԱԿԱՆ ԽՆԴԻՐՆԵՐՈՎ

1004
16391

Ստորին եւ միջին դպրոցների համար



Թ Ի Ֆ Լ Ի Ս

Էլիբեր. ապարան Օր. Ն. Աղանեանի, Պոլիգ. № 7
1911

Ա Ռ Ա Ջ Ա Բ Ա Ն

Որովհետև այս դասագիրքը, ինչպէս և իմ «Ստուգաբանութիւնը», որոշւած է ստորին և միջին դպրոցներէ համար, այդ պատճառով էլ այստեղ գետեղւած են մեր աշխարհաբար լեզուի համաձայնութեան միմիայն ամենակարևոր գիտելիքները: Դասընթացն աւելի գործնական դարձնելու համար՝ գետեղւած են զանազան վարժութիւններ ու օրինակներ, որոնց շնորհիւ քերականութիւն սովորողը հիմնաւորապէս իւրացնում է այս կամ այն լեզական կանոնը կամ առանձնայատկութիւնը: Սակայն անհրաժեշտ է, որ այդ տեսակ վարժութիւններ ու օրինակներ կազմեն ամեն անգամ աշակերտների ուսած յօդւածներից կամ ուսանաւորներից: Ռուսերէն քերականութիւն իմացողների աւելի դիւրութիւն տալու համար՝ փակագծերի մէջ դրւած են քերականական այն տերմինների թարգմանութիւնները, որոնք չեն եղել եմ «Ստուգաբանութեան» մէջ:

Թիֆլիսի II իզական, IV՝ արական գիմնականների և Առետրական դպրոցի դասատու՝

Յարութիւն Թումանեան



ՀԱՄԱԶԱՅՆՈՒԹԻՒՆԸ ԵՒ ՆՐԱ ԲԱԺԱՆՈՒՄԸ

§ 1. Քերականութեան այն մասը, որը ծանօթացնում է մեզ բառերի և նախադասութիւնների կապակցութեան կանոնների հետ, կոչւում է Համաձայնութիւն (Синтаксисъ): Համաձայնութիւնը բաժանւում է երկու մասի՝ I. Բառերի կապակցութեան (Сочетание словъ) և II. Նախադասութիւնների կապակցութեան (Сочетание предложений):

Առաջին մասը ցոյց է տալիս՝ թէ ի՞նչպէս ու երբ պէտք է փոխել փոփոգւող բանի մասերի վերջաւորութիւնները և երբ ու ի՞նչ նախդիր կամ յետադիր պէտք է գործածել այս կամ այն հոլովւող բառի հետ: Իսկ երկրորդ մասը ցոյց է տալիս՝ թէ երբ ու ի՞նչ շաղկապներ կամ շաղկապների մտքով դրւող բառեր (դերանուններ, մակբայներ) պէտք է գործածել նախադասութիւնները իրար հետ կապելու ժամանակ:

I

ԲԱՌԵՐԻ ԿԱՊԱԿՅՈՒԹԻՒՆԸ

ՆԱԽԱԴԱՍՈՒԹԵԱՆ ԱՆԴԱՄՆԵՐԻ ԱՐՏԱՅԱՅՏՈՒԹԻՒՆԸ ԲԱՆԻ ՄԱՍԵՐՈՎ

§ 2. ԵՆԹԱԿԱՅԻ ԱՐՏԱՅԱՅՏՈՒԹԻՒՆԸ: Ենթական գլխաւորապէս արտայայտուած է զոյական անունով:—Աշակերտը գրում է:

Բացի դրանից ենթական կարող է արտայայտել՝ Դերանունով:—Նա կարդում է:

Բայով (անորոշ եղանակով):—Կարդալն օգտակար է:

Ածականով:—Կուշտը քաղցածին մանր կը բրդի:
Թւականով:—Կոյսերից հինգը յիմար էին:

§ 3. ՄՏՈՐՈԳԵԱԼԻ ԱՐՏԱՅԱՅՏՈՒԹԻՒՆԸ: Պարզ ստորոգեալն արտայայտուած է բայով:—Կարդան, զրիւր տարին բոլոր, Գիր կարդալով կը ճանաչես չարն ու բարին, դու կ'իմանաս՝ ով է խնդում, ով է լալիս, ով է զրկում խեղճ թշւառին:

Բարդ ստորագրեալը, որը միշտ էական բայի հետ միասին է լինում, արտայայտուած է՝

Ածականով:—Երկինքը պարզ էր:

Դոյականով:—Ոսկին մետաղ է:

Դերանունով:—Աշխարհս նոյնն է, բայց մարդիկ են փոխել:

Թւականով:—Մեր դրամատուրգների մէջ Գ. Սունդուկեանն առաջինն է: Ամենայն տեղ մահը մի է:

§ 4. ԼՐԱՑՈՒՅՉԻ ԱՐՏԱՅԱՅՏՈՒԹԻՒՆԸ. Լրացուցիչն էլ ենթակայի նման՝ գլխաւորապէս արտայայտում է գոյականով:—Հայրը սիրում է որդուն: Եղբայրը ստացաւ նամակ իր քրոջից: Փայտը կտրում են կացնով:

Բացի դրանից լրացուցիչն արտայայտում է՝

Դերանունով:—Արդեօք ի՞նչ էք դուք ինձ բերում, գարնան անձրև, թէ՛ կարկուտ:

Ածականով:—Խելին խրատը, սելին սապոնն ի՞նչ անի:

Թւականով:—Կոյսերից հնգին ներս չը թողին:

Բայով:—Ես ուզում եմ երգել: Ձեր կարդալուն արդեօք երգս չի՞ խանգարիլ:

§ 5. ՅԱՏԿԱՅՈՒՅՉԻ ԱՐՏԱՅԱՅՏՈՒԹԻՒՆԸ. Յատկացուցիչը գլխաւորապէս արտայայտում է ածականով ու ղերբայով:—Թութակը գերի էր նեղ (ածակ.) ու փակած (դերբ.) վանդակում:

Բացի դրանից յատկացուցիչն արտայայտում է՝

Դերանունով:—Մըջիւնը բերնով իր կերն է տանում:

Թւականով:—Ես ունիմ երկու գիրք:

Գոյականով:—Ժովի ջուրն աղի է: Թիֆլիս քաղաքը մեծ է:

§ 6. ՊԱՐԱԳԱՅԱԿԱՆ ԲԱՌԵՐԻ ԱՐՏԱՅԱՅՏՈՒԹԻՒՆԸ. Պարագայական բառերը արտայայտում են՝

Մակըայով:—Այսօր կ'աշխատեմ, վաղը կը խաղամ: Սոխակը քաղցր (ածականից առաջ եկած մակբայ) է երգում:

Թւականով:—Աշակերտները նստած են երկու երկու:

Գոյականով:—Գիւղացին դաշտից վերադարձաւ տուն:

Բայով:—Ձկնորսը գնաց ձուկ որսալու:

Վարժութիւն:—1. Վերլուծեցէք հետեւեալ նախադասութիւնները և որոշեցէ՛ք՝ թէ ի՞նչ բանի մասով են արտայայտւած նրանց անդամները.

Տգեղի սիրտը դարձել էր ժէռ քար,

Բրոջ խնդիրքը թողեց անկատար:

—

Ձկնորսը ծովը ձգեց մեծ ուռկան,

Բռնեց մարմինը սիրուն աղջկան:

—

Եօթից հանենք երկու, կը ֆնայ հինգ:

—

Ես ինչ որ ուզում եմ կարդալ, դու էլ այն ես ուզում:

—

Նա լուռ էր. բայց այդ լուռութիւն խորին

Նման էր անհուն ու անդորր ծովին:

ՍՏՈՐՈԳԵԱԼԻ ՀԱՄԱԶԱՅՆՈՒԹԻՒՆԸ ԵՆԹԱԿԱՅԻ ՀԵՏ

§ 7. ՊԱՐԶ ՍՏՈՐՈԳԵԱԼԻ ՀԱՄԱԶԱՅՆՈՒԹԻՒՆԸ

1. Պարզ ստորոգեալը համաձայնուում է ենթակայի հետ թւով և դէմքով:—Նս կարողում եմ գիրք: Դու գրում ես դասդ: Աշակերտները գնացին տուն:

Ծանօթ.—Ժողովրդական լեզւի մէջ, երբ ենթական յոգնակի է լինում, բայ-ստորոգեալը յաճախ դրւում է եզակի:—Աշքերս յանկարծ մթնեց (փոխանակ մթնեցին): Ծնկներս թուլացաւ (փոխանակ թուլացան):

2. Եթէ նախադասութեան մէջ կան երկու կամ աւելի եզակի կամ յոգնակի ենթականեր, բայ-ստորոգեալը դրւում է յոգնակի:—

Տղայ, աղջիկ ուրախ, զըւարթ՝

Փթըթեցան գերդ մայիսի վարդ:

Գարնանը ըացում են վարդ, մեխակ, շուշան և ուրիշ շատ ծաղիկներ:

3. Եթէ կան երկու կամ աւելի եզակի ենթականեր նոյնանման նշանակութեամբ, բայ-ստորոգեալը դրւում է եզակի:—

Ամեն տեղ կարգ ու կանոն է պահանջում: Ամեն բանում չափ ու սահման պիտի լինի:

4. Եթէ ենթակաները զանազան դէմքով են, բայ-ստորոգեալը դրւում է յոգնակի, և այդ դէպքում

առաջին դէմքը գերադասուում է երկրորդից, երկրորդը՝ երրորդից:—

Դու, ես և նա կ'երգենք միասին: Նա և դու կը գնացը զբօսնելու:

5. Իսկ եթէ այլադէմ ենթակաները կապւած են ոչ—ոչ, թէ—թէ, կամ—կամ և այլն շարկապներով, բայ-ստորոգեալը համաձայնուում է մօտիկ ենթակայի հետ:—

Ոչ նրանք են ուզում գալ, ոչ էլ դու: Թէ դու կը գնաս զբօսնելու, և թէ նրանք: Կամ մենք կը մնանք, կամ նա:

6. Եթէ եզակի ենթակայի հետ կայ թւական անուն, բայ-ստորոգեալը դրւում է և՛ եզակի, և՛ յոգնակի:—

Առաջին դասարանից երեսունուեց աշակերտ փոխադրեցին (կամ փոխադրեց), իսկ չորս հոգի վընաց (կամ մնացին):

7. Եթէ ենթական հաւաքական անուն է, բայ-ստորոգեալը սովորաբար դրւում է եզակի:—

Եկեղեցում շատ ժողովուրդ կար:

8. Եթէ եզակի ենթակայի մօտ կայ սեռական հոլովով լրացուցիչ հետ յետադիրով, բայ-ստորոգեալը դրւում է՝ ա) եզակի, երբ գործողութիւնը կենտրոնանում է ենթակայի մէջ, և բ) յոգնակի, երբ որոշակի յայտնուում է երկրորդական առարկայի մասնակցութիւնը:—

ա) Հայրը որդու հետ գնաց պարտէզ:

բ) Հայրը որդու հետ գնացին պարտէզ:

9. Անդէմ նախադասութեան մէջ բայ-ստորո-

գեալը արտայայտուում է անդէմ բայով, որ սովորաբար գործ է ածուում 3-րդ դէմքով:—

Լուսացաւ, լուսացաւ, լուսն է բարին:

Անդէմ բայի մտքով են գործ ածուում երբեմն դիմաւոր բայի յոգնակի 3-րդ և եզակի 2-րդ դէմքը, երբ զօրութեամբ իմացուում է ոմանք, շատ մարդիկ, ընդ որ մարդիկ կամ ամեն մարդ ենթական:—

Ասում են, որ ամենայն մարդ մի աստղ ունի երկնքում: Ինչ կը ցաննս, այն կը հնծնս:

Վարժութիւն:—1. Հետեւեալ նախադասութիւնների մէջ համաձայնեցրէք պարզ ստորոգեալները իրանց ենթակաների հետ.

Արամն ու Լեոնը գնաց... դպրոց, իսկ Հայկը մն... տանը: Հայկն ու ես կարդում... գիրք: Վաղը ես, եղբայրս և դու կը գն... թատրոն: Ոչ քոյրերս, ոչ էլ մայրս ուն... ժամանակ մեզ հետ գալու: Միւս անգամ թէ քոյրերս կը... թէ մայրս: Մեր տանը կա... ութը հոգի: Մեր տնից հինգ հոգի սովորում... դպրոցում, իսկ մնացած երեքը դեռ չ... մտել դպրոց:

2. Կազմեցէք պարզ ստորոգեալի և ենթակայի համաձայնութեան մի քանի օրինակներ:

§ 8. ԲԱՐԴ ՍՏՈՐՈԳԵԱԼԻ ՀԱՄԱՁԱՅՆՈՒԹԻՒՆԸ

1. Բարդ ստորոգեալի մէջ ածականը, գոյականը, դերանունը և թւականը չեն փոխուում. փոխուում է միայն էական բայը, որը համաձայնուում է ենթակայի հետ դէմքով ու թւով:—

Դաշտը կանաչ է: Դաշտերը կանաչ են: Ես աշակերտ եմ: Դուք աշակերտ էք: Ես դարձեալ այն եմ, ինչ որ առաջ: Դուք դարձեալ այն էք, ինչ որ

առաջ: Մեր վիպասանների մէջ Բաֆֆին առաջինն է: Մեր վիպասանների մէջ Բաֆֆին ու Պոօշեանը առաջինն են:

2. Բայց շատ անգամ բարդ ստորոգեալի մէջ գոյականը համաձայնուում է ենթակայի հետ միմիայն թւով:—

Աստղերը երկնային մարմիններ են: Ոսկին և արծաթը ազնիւ մետաղներ են:

Կան դէպքեր, երբ գոյականը ենթակայի հետ թւով կարող է և համաձայնել, և չհամաձայնել:

Օրինակ, փոխանակ ասելու՝ Դուք աշակերտ էք, կարելի է ասել՝ Դուք աշակերտներ էք:

3. Երբ նախադասութեան մէջ կան երկու կամ աւելի բարդ ստորոգեալներ, էական բայը միայն մի անգամ է յիշուում սկզբումը կամ վերջումը:—

Գարունը զով է, անուշ ու գեղեցիկ:

Գարունը զով, անուշ ու գեղեցիկ է:

4. Բարդ ստորոգեալի մէջ էական բայի պաշտօն են կատարում դառնալ, մնալ, լինել բայերը:— Ամբար, մառան դատարկ դառան: Ու դնաց որդին, եղաւ խորիմաստ, գիտուն ու հանճար: Նա հօր խօսքերից զարմացած մնաց:

Վարժութիւն:—Հետեւեալ նախադասութիւնների մէջ համաձայնեցրէք բարդ ստորոգեալները իրանց ենթակաների հետ.

Սոխակը երգիչ թռչուն է...: Սոխակն ու դեղձանիկը երգիչ թռչուն...: Սոխակն ու դեղձանիկը վանդակում պատուհանից կախած...: Մարգարիտն ու Ագեւայիդան աշակերտուհիների մէջ ամենահամեստն... Մարգարիտը Ագեւայիդայի քոյրն...: Այդ երկու աշակերտուհիները քոյր...: Հայկն ու Արամը դպրոցում առաջինն...

2. Կազմեցէք ձեզանից բարդ ստորոգեալի և ենթակայի համաձայնութեան մի քանի օրինակներ:

§ 9. ԲԱՅԻ ԺԱՄԱՆԱԿՆԵՐԻ ԳՈՐԾԱԾՈՒԹԻՒՆԸ

1. Ներկայ ժամանակը գործ է ածւում այն ժամանակ, երբ խօսւում է կամ ներկայ, կամ թէ ֆնայուն ու անփոփոխ գործողութեան կամ դրութեան մասին:—

Աշակերտները սովորում են, ուսուցիչը սովորացնում է:

Մարտը տալիս է ձնծաղիկ,

Ապրիլ՝ կապոյտ մանուշակ.

Մայիսին քացում է վարդը,

Սոխակ երգում անուշակ.

—

Մռայլ, ահաւոր ձորի անդնդում

Թարթարն անդադալ գոչում է, լնդում:

2. Ներկայ ժամանակը, բացի իր սովորական գործածութիւնից, երբեմն գործ է ածւում անցեալ կատարեալի տեղ, երբ կամենում են անցեալ գործողութիւնը աւելի կենդանի պատկերացնել աչքի առաջ:—

Խուռն կան չայերն մի փոսի առաջ,

Սրտից անդադար հանում են թառաչ.

Դառն արտասուները նոցա աչքերին

Հոսում են առատ ամայի գետին:

Այստեղ հեղինակը նկարագրում է Վարդան Մամիկոնեանի թաղումը, որ կատարւել է 451 թրւին. բայց կամենալով անցած դէպքը աւելի կենդա-

նի պատկերացնել մեր աչքի առաջ, բոլոր ստորագեալները, փոխանակ անցեալ կատարեալի, ներկայ ժամանակով է գործ ածել:

3. Ներկան դրւում է ապառնու տեղ, երբ խօսւում է այնպիսի ապագայ գործողութեան կամ դրութեան մասին, որ անպատճառ պիտի լինի:—

Եկող տարի գնում եմ Պետերբուրգ, Վաղը երեկոյեան հայոց ներկայացում կայ:

4. Անցեալ անկատարը գործ է ածւում, երբ խօսւում է չը վերջացած գործողութեան կամ դրութեան մասին:—

Տրամութեան մոայլ ամպը ճակատին՝

Նայում էր անթարթ Թամրազը գետին,

Նայում էր, տանջում դաժան մտքերից,

Անհանգիստ լինում ծանր հոգսերից:

5. Անց. անկատարը երբեմն գործ է ածւում կատարեալի տեղ, երբ խօսւում է մերձաւոր անցեալում կատարւած գործողութեան մասին:—

Երէկ ձիւն էր գալիս:

6. Անց. կատարեալը գործ է ածւում, երբ խօսւում է արդէն կատարւած կամ վերջացած գործողութեան մասին:—

Արդէն կատարւեց... Յափշտակեցին...

Զէնքը սրբազան արդէն խլեցին.

Հայրական անգին աւանդըն ամբիծ

Խլեց թշնամին ժառանգի ձեքից...

Իւսուփի օրը սևացաւ գլխին,

Խաւարեց աշխարհ, մոայլեց կրկին:

7. Վաղակատարը գործ է ածւում, երբ խօս-

ւում է արդէն վաղուց կատարւած գործողութեան մասին:—

Հեռացել եմ իմ մայրենի աշխարհից,

Սերտ բարեկամք անջատւած են ինձանից:

8. Գերակատարը գործ է ածւում, երբ խօսւում է հեռաւոր անցեալում կատարւած գործողութեան մասին:—

Հեռացել էի իմ մայրենի աշխարհից:

Ինչպէս տեսնում ենք, վաղակատարը և գերակատարը տարբերում են միմեանցից միայն օժանդակ բայի ներկայ և անկատար ժամանակներով:

9. Պայմանական անցեալը յայտնում է այնպիսի գործողութիւն, որ կախում ունի մի որևիցէ պայմանից:

Իսկ ստորադասական անցեալը յայտնում է թէական գործողութիւն:—

Աշակերտը դասարանը կը փոխէր (պայմ. անց.), եթէ աշխատէր ամբողջ տարին:

Ինչպէս տեսնում ենք, պայմանական անցեալը կը մասնիկով է, իսկ ստորադասականը՝ եթէ-ով:

Սակայն յաճախ կը մասնիկի տեղ գործ է ածւում պիտի, իսկ եթէ-ի տեղ՝ եթէ որ, որ, թէ, թէ որ:—

Աշակերտը դասարանը պիտի փոխէր, եթէ որ աշխատէր ամբողջ տարին:

10. Պարզ ապառնին գործ է ածւում, երբ խօսւում է ապագայ գործողութեան մասին:—

Դպրոցում կ'առնէք ուսում, կըթուրիւն,

Դպրոցը կը տայ ձեզ բարօրութիւն:

Երբ հարկ է յայտնել, թէ գործողութիւնը ան-

շուշտ կատարւելու է, կը մասնիկի տեղ գործ է ածւում պիտի կամ պէտք է:—

Վաղը պիտի գնամ բարեկամիս մօտ:

11. Ապառնին կը մասնիկով և առանց նրան՝ երբեմն գործ է ածւում հրամայական եղանակի տեղ:—

Կ'երթաս այս ձորով, կը մտնես անտառ,

Այնտեղ կը գտնես բախտդ անպատճառ:

Գնանք, փրկենք մեր հայրենիքը:

Վաղն անպատճառ զաս մեր տուն:

Դու չը հաւատաս, եթէ քեզ ասեն

Հանգիստ դու նստիր և յուսով եղիր:

12. Ստորադասական ապառնին գործ է ածւում, երբ խօսւում է թէական ապագայ գործողութեան մասին, և սկսւում է եթէ, թէ, եթէ որ, որ բառերով կամ առանց սրանց:—

Եթէ աշխատես, դասարանդ կը փոխես:

Աշխատես, դասարանդ կը փոխես:

Վարժութիւն:—1. Հետևեալ օրինակներից ջոկեցէք բայերը և բացատրեցէք, թէ ո՞ր ժամանակով են նրանք գործ ածւած և ինչո՞ւ.

Թամրազը շքեղ հանդէս էր սարքել—

Թուրք հարկահան էր նորա մօտ եկել...

Այսօր Թամրազը շողոքորթելով

Պարսից արքայի ծառայի գլխով

Թիթեռի նման՝ պտոյտ է գալիս,

Մեծարում նորան ու պատիւ տալիս...

Եթէ կամենաս, կարող ես կանչել
Իւսուփին քեզ մօտ ու ձեռքից խլել:

Ղամարն ասաց.

«Լաւ էր, որ եթէ բերէին ինձ մօտ
Անդգայ, անշունչ քո դին արիւնոտ
Ու ինձ ասէին՝ մեռաւ քո որդին,
Հօր նըւիրական աւանդը ձեռքին.
Գնա, հեռացիր, գարշելի էակ,
Էլ այսուհետեւ ես չ'ունեմ զաւակ»:

2. Կաղմեցէք մի քանի նախադասութիւններ բայերի
զանազան ժամանակներով:

ՅԱՏԿԱՅՈՒՅՉԻ ՀԱՄԱԶԱՅՆՈՒԹԻՒՆԸ ՅԱՏԿԱՅԵԱԼԻ ՀԵՏ

§ 10. ԱԾԱԿԱՆ ՅԱՏԿԱՅՈՒՅՉԻ ՀԱՄԱԶԱՅՆՈՒԹԻՒՆԸ

1. Ածական յատկացուցիչը սովորաբար դրւում
է իր յատկացեալից առաջ և ֆնում է անփոփոխ:—

Կապոյտ գլխով, կանաչ ոտով

Ես ծաղիկ եմ անուշ հոտով:

Բայց բանաստեղծութիւնների մէջ յատկացու-
ցիչը կարող է դրւել իր յատկացեալից և առաջ, և
յետոյ:—

Կարօտ ենք տեսքիդ, աննման գարուն,

Շուտ արի մեզ մօտ, բեր ծաղիկ սիրուն:

2. Ածական յատկացուցիչը, երբ արտայայտւած
է լինում կրճատւած նախադասութեան ձևով, դրւ-
ւում է յատկացեալից յետոյ:—

Մի մարդ տեսայ, չափազանց ընտրի (այսինքն,
մի մարդ տեսայ, որ չափազանց ընտրի էր):

3. Տեսակ ցոյց տալու համար, ածականը եր-
բեմն դրւում է գոյականից յետոյ. այդ դէպքում
գոյականը սեռական յատկացուցչի ձև է ստանում, իսկ
ածականը այլ ևս յատկացուցչի դեր չի կատարում:—

Տանձի լաւը արջը կ'ուտի (այսինքն, լաւ տանձը
արջը կ'ուտի):

4. Սաստկութիւն ցոյց տալու համար յոգնակի

գոյականի մօտ յաճախ կրկնւում է միևնոյն ածական յատկացուցիչը:—

Խոր-խոր ձորեր: Սուր-սուր աչքեր: Մեծ-մեծ տներ:

5. Երբ գոյականը զօրութեամբ է իմացւում, ածականն ընդունում է նրա հոլովն ու թիւը:—

Աղքատներին պէտք է օգնել (այսինքն, աղքատ մարդկանց պէտք է օգնել):

§ 11. ԴԵՐԲԱՅ, ԴԵՐԱՆՈՒՆ ԵՒ ԹԻԱԿԱՆ ՅԱՏԿԱՅՈՒՅՁԻ ՀԱՄԱՁԱՅՆՈՒԹԻՒՆԸ

1. Դերըայ յատկացուցիչը, իբրև բայածական, համաձայնւում է իր յատկացեալի հետ ածականներին պէս:—

Յոգնած հովիւը վազում էր, վազում,
Փախչող այծերին հասնել չէր կարում:

2. Դերանուն յատկացուցիչը, ածականների նման՝ դրւում է յատկացեալից առաջ և մնում է անփոփոխ:—

Իմ տիկինը կերակրում է
Ինձ նշերով, շաքարով,
Իմ վանդակը զարդարում է
Իր քնքուշիկ ձեռներով:

3. Թւական յատկացուցիչը նմանապէս դրւում է յատկացեալից առաջ և մնում է անփոփոխ:—

Առաջին դասարանն ունի չորս լուսամուտ և մէկ դուռը:

4. Եթէ նախադասութեան մէջ լինում են զանազան տեսակ յատկացուցիչներ, առաջ դասւում են աւելի որոշեալները:—

Այս ըղոր հայ աշակերտները գրում են իրանց տւած դասը:

§ 12. ԳՈՅԱԿԱՆ ՅԱՏԿԱՅՈՒՅՁԻ ՀԱՄԱՁԱՅՆՈՒԹԻՒՆԸ

1. Գոյական յատկացուցիչը սովորաբար իր յատկացեալից նախադաս է վարւում և դրւում է սեռական հոլովով:—

Աշնանը թափւում են ծառերի տերևները:

Թող չ'ասեն դրացիք՝ թէ ծոյլ են Հասոյի եղները:

Սեռական յատկացուցիչը ցոյց է տալիս՝ թէ մէկ առարկայ ունի է պատկանում կամ ինչի՞ն է վերաբերում:

2. Սեռական յատկացուցիչը ոտանաւորների մէջ երբեք յատկացեալից յետագաս է վարւում:—

Բարձր գմբէթը Հոռեկայ վանքի

Ու կամարները վեհ ապարանքի

Արեգի շողքից ոսկեգօծւեցան:

3. Գոյական յատկացուցիչը երբեք ցոյց է տալիս առարկայի որպիսութիւնը:—

Լաւ ընդունակութեան տէր աշակերտը լաւ է սովորում:

4. Եթէ յատկացեալը զօրութեամբ է իմացւում, սեռական յատկացուցիչը ստանում է նրա յօդը և հոլովական վերջաւորութիւնը:—

Գիւղի օդը աւելի մաքուր է, քան թէ քաղաքինը (այսինքն, քան թէ քաղաքի օդը):

Ինչպէս տեսնում ենք, այս դէպքում ը յօդից առաջ աւելանում է ն (քաղաքի-+-ն-+-ը):

5. Գոյական յատկացուցիչը երբեմն գործ է ածւում ածականի տեղ:—

Արծաթ ջրեր: Մանուկ հասակ: Երազ օրեր:

6. Սաստկութիւն ցոյց տալու համար, յոգնակի գոյականի մօտ կրկնւում է գոյական յատկացուցիչը:—

Գոյն-գոյն ծաղիկներ: Տեսակ-տեսակ մրգեր:

7. Գոյական յատկացուցիչը թւականի հետ միասին ցոյց է տալիս քանակութիւն:—

Երեք արշին մահուդ: Հինգ փութ ալիւր:

Մի քաժակ ջուր, ով ուզի—տո՛ւր:

8. Գոյական յատկացուցիչը, երբ արտայայտւած է կրճատւած նախադասութեան ձևով, կոչւում է քացայայտիչ: Սա դրւում է իր բացայայտեալից և յետոյ, և առաջ:—

...Այսօր Թամրազը դաժան՝

հայրենի հողի իշխանն անարժան,

Թուրքին ընդունել, սարքել է հանդէս:

Թիֆլիսը՝ Վրաստանի հին մայրաքաղաքը, գրտնւում է Կուրի ափին:

Կամ՝

Վրաստանի հին մայրաքաղաք Թիֆլիսը գտնւում է Կուրի ափին:

Բացայայտիչը կարող է արտայայտւել նաև մէկ

բառով. այդ դէպքում դրւում է միշտ բացայայտեալից յետոյ:—

Առգար թագաւորը ընդունեց քրիստոնէութիւն:

Մասիս սարը հայաստանում ամենաբարձրն է:

Վարժութիւն.—1. Հետեալ օրինակներում որոշեցէք յատկացուցիչների տեսակը և ցոյց տւէք իւրաքանչիւրի համաձայնութիւնը իր յատկացեալի հետ.

Առաւօտեան, երբ երկինքը յուզւած՝ իբրև կարմիր ծով՝

Դալարազարդ սարի գլխին բոճակեցաւ ալ բոցով—

Մինարէթի գլխից հնչեց Մուհամէդի ազանը.

Յոգնած՝ չոքեց աղօթելու Շուշուայ բերդի գագաթը:

Մեծ խորհուրդ կայ այսօր բերդում: Վշտամուրը թուրք խանը, Յենւած փափուկ, թաւշ բարձին՝ ծխում էր իր դալեանը: Խանի առաջ կանգնած էր մի հլու, խոնարհ մանկլաւիկ...

Ո՞վ է այն հէզ բանտարկեալը, այն թշուառ վիրաւոր, Որ դառնազին հառաչանքով թնդացնում է սար ու ձոր:

Պըլը-Պուղին՝ Շահնազարի խեղկատակը սիրելի՝

Կանգնած էր լուռ, իբրև զազիր ու սև գործի հայելի:

2. Կազմեցէք մի քանի օրինակներ, որոնց մէջ լինեն ածական, դերբայ, դերանուն, թւական և գոյական յատկացուցիչներ:

ՀՈԼՈՎՆԵՐԻ ԳՈՐԾԱԾՈՒԹԻՒՆԸ

§ 13. ՈՒՂՂԱԿԱՆ ՀՈԼՈՎ

1. Ուղղական հոլովով գրւում է ենթական:—

Մեզնից շատ առաջ կար մի թագաւոր:

2. Ուղղական հոլովով գրւում է բարդ ստորոգեալի այն մասը, որ գործ է ածւում էական բայի հետ:—

Արամն աշակերտ է: Ղազարոսն աղքատ էր:

Մարգարիտն աշակերտուհիների մէջ առաջինն է:

3. Ուղղական հոլով են պահանջում կոչել, ընտրել, հաստատել, օծել, դառնալ, ընկնել և այլ կրաւորական ու չէզոք բայեր:—

Ռուսաստանի մայրաքաղաքը կոչւում է (կրաւ.)

Պետերբուրգ:

Մատթէոս II ընտրեց (կրաւ.) և հաստատեց կաթողիկոս 1909 թին:

Դալի-Մահրասան դարձաւ (չէզոք) արեղայ, բայց մեռաւ (չէզոք) զինոր:

Փանահ-խանը գերի ընկաւ (չէզոք) հայերի ձեռքը:

Վարժութիւն. — Կազմեցէք մի քանի նախադասութիւններ, որոնց մէջ լինեն ուղղական հոլովով խնդիրներ հե-

տեալ բայերից յետոյ՝ ասել, նշանակել, հաստատել, օծել, լինել, գնալ, գալ, մնալ:

§ 14. ՍԵՌԱԿԱՆ ՀՈԼՈՎ

1. Սեռական հոլովով գլխաւորապէս գրւում է այն գոյականը, որը միւս գոյականի համար ծառայում է, իբրեւ յատկացուցիչ (§ 12, 1):—

Սարի գլխին տխուր ժպտաց

Ղարաբաղի արեւ:

2. Սեռական հոլովով գրւում են նաեւ այն գոյականները, որոնք ցոյց են տալիս աստիճան, արժէք, ժամանակ:—

Մարդս պիտի լինի վերին աստիճանի ազնիւ: Մեզ մօտ եկաւ մի բարձր դասակարգի մարդ: Ես խմեցի հինգ տարւայ գինի: Մեր գիւղից մինչև քաղաքը երկու օրւայ ճանապարհ է:

3. Սեռական հոլով են պահանջում մէջ, տակ(ին), յետեւ, առաջ, վրա, համար, հետ և ուրիշ յետագիրներ:—

Դասարանի մէջ նստած են աշակերտները: Պատուհանիս տակ շինէ քո բունը: Ամպերի յետեւ թաք կացաւ լուսինը: Ուսուցչի առաջ կանգնած է աշակերտը: Սեղանի վրա դրած է հայերէն գիրք:

Վարժութիւն. — Կազմեցէք մի քանի նախադասութիւններ, որոնց մէջ լինեն սեռական հոլովով գոյական յատկացուցիչներ:

2. Կազմեցէք մի քանի նախադասութիւններ, որոնց մէջ լինեն աստիճան, արժէք և ժամանակ ցոյց տուող սեռական հոլովով գոյականներ:

3. Կադմեցէք մի քանի նախադասութիւններ, որոնց մէջ լինեն սեռական հոլովներ մէջ, վրա, տակ, առաջ, համար, հետ յետադիւրներով:

§ 15. ՏՐԱԿԱՆ ՀՈԼՈՎ

1. Տրական հոլովով դրուում է այն առարկան, որի օգտին կամ վնասին կատարւում է գործողութիւնը:—

Այ սև ամպեր, վայ սև ամպեր,
Արդեօք ի՞նչ էք արտիս բերում:

Ողջ սրբերին մոմ եմ վառել,
Որ Աստուած օր տայ իմ արտին:

Ողորմութիւն արէք, պարոն,
Անտուն, անտէր աղքատին:

2. Տրական հոլով են պահանջում յաղթել, տիրել, օգնել, ասել (անւանել), սպասել, զարկել, դիպել և այլ բայեր:—

Արևն յաղթեց ամպերին: Խաւարը տիրեց աշխարհին: Օգնեցէք աղքատներին: Մասիսին ասում են Աւարատ: Թշառը սպասում է օգնութեան: Զարկեցէք, դարբիններ, կտանը սալին: Սարը սարին չի դիպել, մարդը մարդուն կը դիպի:

3. Տրական հոլով են պահանջում շարժում և ձգտում ցոյց տուող բայերը, երբ նրանք յայտնում են գործողութեան նպատակը:—

Աշակերտները դասերից յետոյ գնում են ծաշի: Նախագահը հրաւիրեց անդամներին խորհրդի: Աղւէսի գունչը խաղողին չը հասաւ, ասաց՝ խակ է:

4. Տրականը շատ անգամ ընդունելով յօդ՝ գործ է ածւում վրա և մօտ յետադիւրներով սեռականի տեղ:—

Պայծառ արևը շողքը գցեց սարերին (փոխանակ՝ սարերի վրա):

Ժամի դռանը (փոխանակ՝ դռան մօտ) կանգնած էր մի աղքատ կին:

5. Տրականը յօդով դրուում է նաև ներգոյականի տեղ, երբ նա յայտնում է գործողութեան ժամանակը:—

Դեկտեմբերին ձիւն է գալիս,

Յունւարին ծածկում սար ու ձոր:

Գարնանը ծաղկում են ծառերը: Դրիկնապահին գիւղացիք դաշտից գնում են տուն: Վատ մարդը Զատիկին էլ վատ կը լինի: Խ. Աբովեանը ծնւել է 1804 թին:

6. Տրական հոլով են պահանջում արժանի, կարօտ, ընդունակ, օգտակար, յարմար, սիրելի, ցանկալի և ուրիշ լի վերջացած որակական ածականներ:—

Մշակն արժանի է իր վարձին:

Կարօտ ենք տեսքիդ, աննման գարուն:

Մարդս ընդունակ է սխալելու:

Լեզուներ իմանալն օգտակար է ամենիս:

Հայրենիքը սիրելի է իւրաքանչիւր մարդուն:

7. Համար, պէս, հետ, մօտ, առանց և փոխանակ յետադիւրներն ու նախդիւրները պահանջում են դերանուններ տրական հոլովով:—

Ինձ համար չէ գարնան գալը: Քեզ պէս լաւ ոչ ոք չի նկարում: Մեզ մօտ հիւրեր եկան: Քոյրս ինձ

հետ մնաց տանը: Էն առանց քեզ էլ կարող եմ ստանալ:

Վարժութիւն.—1. Կազմեցէք մի քանի նախադասութիւններ, որոնց մէջ լինեն տրական հոլովով խնդիրներ հետեւեալ բայերից յետոյ՝ անել (բարութիւն), մօտենալ, զարկել, ցոյց տալ, ձեռք տալ, գլուխ տալ:

2. Կազմեցէք մի քանի նախադասութիւններ, որոնց մէջ տրական հոլովը գրած լինի ներգոյականի տեղ:

3. Կազմեցէք մի քանի նախադասութիւններ, որոնց մէջ լինեն տրական հոլովով գերանուններ առանց նախդրից յետոյ և հետ, մօտ, համար, պէս յետադիրներից առաջ:

§ 16. ՀԱՅՅԱԿԱՆ ՀՈԼՈՎ

1. Հայցական հոլովով գրւում է այն առարկան, որի վրա անցնում է ենթակայի գործողութիւնը. այս պատճառով բոլոր ներգործական բայերը պահանջում են հայցական հոլով:—

Կայէն սպանեց Արէլին: Աշակերտը գրում է դասը:

2. Երկու հայցական հոլով են պահանջում անանել, կոչել, ընտրել, նշանակել, հաստատել, օծել, կարգել և ուրիշ սրանց նման բայեր:—

Մատթէոս Բ-ին (հայց. հ.) 1894 թւին ընտրեցին պատրիարք (հայց. հ.), իսկ 1909 թւին հաստատեցին կաթողիկոս (հայց. հ.): Մեզ (հայց. հ.) Հայկի անունով կոչում են հայ (հայց. հ.): Անտառի կենդանիներն իրանց թագաւոր (հայց. հ.) ընտրեցին փիղը (հայց. հ.):

3. Հայցական հոլով են պահանջում շարժում ցոյց տուող բայերը, պատասխանելով ուր հարցին:—

Աշակերտներն առաւօտեան գալիս են դպրոց, իսկ դասերից յետոյ գնում են տուն:

4. Հայցական հոլովը երբեմն գրւում է ներգոյականի տեղ: Միայն այս դէպքում ընդունում է յօդ, եթէ հասարակ անուն է. իսկ եթէ յատուկ անուն է, գործ է ածւում առանց յօդի:—

Հիւսիսային կողմերը (փոխանակ՝ կողմերում) սատիկ ցրտեր են լինում: Շիրաւիղադէն ծնւել է Շամախի (փոխանակ՝ Շամախում):

5. Հայցական հոլով են պահանջում այն բառերը, որոնք ցոյց են տալիս ժամանակ:—

Մարդիկ ցերեկն աշխատում են, գիշերը հանգստանում: Պետրոս Մեծը թագաւորեց քառասուն և երեք տարի:

6. Հայցական հոլով են պահանջում բաղդատական ածականները քան թէ կամ քան բառերից յետոյ:—

Մասիսն աւելի բարձր է, քան թէ Արագածը: Պետերբուրգն աւելի մեծ է, քան Թիֆլիզը:

7. Դէպի, մինչև նախդիրները պահանջում են հայցական հոլով:—

Դէհ, սիրուն ծիծեռնակ,

Հեռացիր, թռիւր արագ

Դէպի հայոց երկիրը,

Ծնւած տեղս—Աշտարակ:

Հոսաբերը մինչեւ այգ
Զորիս միջին էր լողում:

Վարժութիւն:—1. Կազմեցէք մի քանի նախադասութիւններ, որոնց մէջ լինեն հայցական հոլովով խնդիրներ ներգործական բայերից յետոյ:

2. Կազմեցէք մի քանի նախադասութիւններ, որոնց մէջ լինեն խնդիրներ երկու հայցական հոլովով օծել, կարգել, նշանակել, ընտրել և այլ ոչանց նման բայերից յետոյ:

3. Կազմեցէք մի քանի նախադասութիւններ, որոնց մէջ լինի հայցական հոլով շարժում ցոյց տուող բայերից, ժամանակ ցոյց տուող բառերից, բաղդատական ածականներից և դէպի ու մինչեւ նախդիրներից յետոյ:

§ 17. ԲԱՑԱՌԱԿԱՆ ՀՈՒՈՎ

1. Բացառական հոլով են պահանջում շատ կրաւորական բայեր:—

Բէլ սպանւեց Հայկից: Մարդս ճանաչում է իր գործերից:

2. Բացառական հոլով են պահանջում գործողութեան ուղղութիւնը ցոյց տուող բայերը, պատասխանելով ոմանից, ինչից, որտեղից հարցերին:—

Քոյրը եղբորից ստացաւ նամակ:

Ինչո՞ւ արցունք ցայտում են

Քո սէգ, հպարտ աչերից,

Ինչո՞ւ արագ փախչում ես

Այդ հարազատ ափերից:

3. Բացառական հոլով են պահանջում շինել, կազմել, կառուցանել և ուրիշ բայեր, որոնք ցոյց են տալիս՝ թէ ի՞նչ նիւթից է շինւում առարկան:—

Սեղանը շինում են փայտից: Պալատները կառուցանում են կոփածոյ քարից:

4. Բացառական հոլով են պահանջում անորոշ ու որոշեալ գերանունները և թւական անունները:—

Կովը, ձին ու շունը վիճում էին՝ թէ նրանցից որին աւելի է սիրում տէրը: Կենդանիներից իւրաքանչիւրն ունի իր տեղը և սիրելի է իր տիրոջ: Կոյսերից հինգը յիմար էին, հինգը՝ իմաստուն:

5. Բացառական հոլով են պահանջում բաղդատական և գերադրական աստիճանի ածականները:—

Արաքս աւելի խելօք է Հայկից: Առիւծը կենդանիներից ամենագորեղն է:

6. Բացառական հոլով են պահանջում մի քանի չէզոք բայեր, երբ հարկաւոր է յայտնել գործողութեան կամ դրութեան պատճառը:—

Զմեռը ջուրը սառչում է ցրտից:

7. Բացառական հոլով են պահանջում վախենալ, դադարել, ծանօթանալ և այլ բայեր:—

Վախեցիր կանգնած ջրից:

8. Բացի նախդիրը և մակբայներից առնւած յետոյ, յետ, առաջ յետադիրները պահանջում են բացառական հոլով:—

Մեր պարտիզում քացի վարդից կան և ուրիշ հոտաւէտ ծաղիկներ: Գարունքից յետոյ դալիս է ամառը: Խօսելուց առաջ պէտք է մտածել:

Վարժութիւն:—1. Կազմեցէք մի քանի նախադասութիւններ, որոնց մէջ լինի բացառական հոլով կրաւորական բայերից յետոյ:

2. Կազմեցէք մի քանի նախադասութիւններ, որոնց մէջ լինեն բացառական հոլովով խնդիրներ գործողութեան ուղղութիւնը ցոյց տուող բայերից (ո՞ւմնից, ո՞րտեղից), ա- նորոշ ու որոշեալ գերանուններից և թւական անուններից առաջ:

3. Կազմեցէք մի քանի նախադասութիւններ, որոնց մէջ լինեն բացառական հոլովով խնդիրներ բաղդատական ու գերադրական աստիճանի ածականներից, դադարել ու ձան- ձրանալ բայերից, բացի նախդրից յետոյ և առաջ, յետոյ յետադիրներից առաջ:

§ 18. ԳՈՐԾԻԱԿԱՆ ՀՈՂՈՎ

1. Գործիական հոլովով դրւում են այն անուն- ները, որոնք ցոյց են տալիս գործիք կամ միջոց, պատասխանելով ումնով, ինչով հարցերին:—

Գրատախտակի վրա գրում են կաւիճով: Խո- տը հնձում են մանգաղով: Ծնողները մխիթարւում են իրանց զաւակներով:

2. Գործիական հոլով են պահանջում այն անունները, որոնք ցոյց են տալիս առարկաների և նրանց գործողութեան որպիսութիւնը:—

Մեզնից շատ առաջ կար մի թագաւոր,
Հոգով գեռ արի, զլխով ալւոր:

Գարուն է եկել նախշուն թեւերով,
Նախշուն թեւերով, պէս-պէս ձեւերով:

Կէս գիշերին գեղ լուսինը՝
Ամպերի մէջ լողալով,

Հանդարտ ու վեհ ընթանում էր:

Արծաթի պէս շողալով:

3. Գործիական հոլովով դրւում են այն անուն- ները, որոնք ցոյց են տալիս ազգ, ցեղ, ծագում և կոչում:—

Հայր Զեռնդ Ալիշանը ազգով հայ էր, կրօնով՝ կաթոլիկ: Դալի-Մահրասան կոչումով հոգեւորական էր:

4. Գործիական հոլովով են դրւում այն անուն- ները, որոնք ցոյց են տալիս գործողութեան ժամա- նակը:—

Ժամանակով կատուն ճոն էր,
Շունն էլ գլխին գտակ չ'ունէր:

Ուրիշները մեծանում էին տարով, բայց Սա- սունցի Դաւիթը մեծանում էր օրով ու ժամով:

Ժանթօթ.— Կան ժամանակ ցոյց տուող անուններ, որոնք անխտիր պահանջում են և գործիական, և հայ- ցական:—

Մարդիկ ցերեկով աշխատում են, գիշերով հան- գատանում:

Այս օրինակը կարելի է փոխել այսպէս:—

Մարդիկ ցերեկն աշխատում են, գիշերը հան- գատանում (§ 16, 5):

5. Գործիական հոլովով են դրւում այն անուն- ներ, որոնք ցոյց են տալիս առարկայի շարժողու- թեան ճանապարհը կամ տեղի տարածութիւնը:—

Մարդիկ ճանապարհորդում են ծովով ու ցա- մաքով: Մայր Արաքսի ափերով քայլամուր քնում եմ: Դասարանի երկարութեամբ դրւած են նստարան- ները: Փողոցի լայնութեամբ շուր էր հոսում:

6. Գործիական հոլովով են գրւում երբեմն նաև մէջ, տակ, վրա և մի քանի ուրիշ գոյականից և մակբայից առնւած յետադիրներ, երբ նրանք ցոյց են տալիս առարկայի շարժողութեան ճանապարհը:—

Առուն հոսում էր անտառի միջով,

Կանաչ թփերի, ծառերի տակով:

Ամպերի միջին տխուր ժպտալով՝

Լողում էր լուսին երկնքի վրայով:

Վարժութիւն:—1. Կազմեցէք մի քանի նախադասութիւններ, որոնց մէջ լինեն գործիական հոլովով անուններ՝ ա) գործիք կամ միջոց ցոյց տուող, բ) որակասութիւն, ազգ, ցեղ, ծագում ու կոչում ցոյց տուող և գ) ժամանակ, շարժողութեան ճանապարհ կամ տեղի տարածութիւն ցոյց տուող:

2. Կազմեցէք մի քանի նախադասութիւններ, որոնց մէջ լինեն գործիական հոլովով գոյականից ու մակբայից առնւած յետադիրներ՝ մէջ, տակ, ներքեւ, վերեւ և այլն:

§ 19. ՆԵՐԳՈՅԱԿԱՆ ՀՈԼՈՎ

1. Ներգոյական հոլովով գրւում են այն անունները, որոնք ցոյց են տալիս գործողութեան կամ գրութեան տեղը:—

Թառամում եմ ես այս օտար երկրումը,

Մենակ բըսած ծաղկի նման դաշտումը:

2. Ներգոյական հոլովով են գրւում այն անունները, որոնք ցոյց են տալիս գործողութեան ժամանակամիջոցը:—

Աստուած ստեղծեց աշխարհը վեց օրում:

Իր կեանքումը նա չը գիտէր՝

Թէ ի՞նչ բան է կարիքը:

§ 20. ԿՈՉԱԿԱՆ ՀՈԼՈՎ

Կոչական հոլովով գրւում է այն առարկան, որին դիմում է խօսողը:—

Գնա՛, որդե՛սկ, աշխարհս անցի՛ր,

Պանծալի անուն մեծի դու ստացի՛ր:

Վարժութիւն:—1. Կազմեցէք մի քանի նախադասութիւններ, որոնց մէջ լինեն ներգոյական հոլովով տեղ և ժամանակամիջոց ցոյց տուող անուններ:

2. Կազմեցէք մի քանի նախադասութիւններ, որոնց մէջ լինեն կոչական հոլովով անուններ:

3. Հետեւեալ օրինակների մէջ որոշեցէք, թէ ի՞նչ բան ի՞նչ հոլովով է գործ ածւած ու թէ ինչո՞ւ:

Ո՛վ լուսին, լուսին, էլ քանի էդպէս

Դալկացած, տոգոյն, տխուր երևես:

Այդ թըխպոտ ամպերն քեզ զարհուրեցրին,

Բոցոտ կայծակներն քեզ այլայլեցին:

Երկնից կամարի գեղը դու ես լու:

Աստեղց մէջ չը կայ քեզ նման ոչ ոք,

Միթէ նախանձից թափել ես գոյնըդ,

Չէ, ուրիշ գաղտնիք ունիս սրտումըդ:

Հերիքնազ երկար իր խօսքով անդօր

Յուսահատ հարսին կարդում էր յորդոր,

Արցունքն աչքին աղբսում նորան

Չը թողնել տունը, խընայել մանկան:

II

ՆԱԽԱԴԱՍՈՒԹԻՒՆՆԵՐԻ

ԿԱՊԱԿՅՈՒԹԻՒՆԸ

§ 21. Նախադասութիւնները կապակցւում են միմեանց հետ երկու եղանակով՝ 1) ստորնդրական (способъ подчиненія) և 2) շարադրական (способъ сочиненія)։

ՍՏՈՐԱԴՐԱԿԱՆ ԿԱՊԱԿՅՈՒԹԻՒՆ

§ 22. Ստորադրական եղանակով կապակցւում են միմեանց հետ գլխաւոր (главное) և երկրորդական (придаточное) նախադասութիւնները։

Գլխաւոր կոչւում է այն նախադասութիւնը, որից կախում ունի ուրիշ նախադասութիւն։

Երկրորդական կոչւում է այն նախադասութիւնը, որ կախում ունի գլխաւորից և կազմում է նրա համար գլխաւորապէս կամ յատկացուցիչ, կամ լրացուցիչ, կամ թէ պարագայական խօսք։—

Մանիր թելեր հաստ ու բարակ,

Որ ես հոգամ իմ ցաւեր։

Այս օրինակում Մանիր թելեր հաստ ու բարակ գլխաւոր նախադասութիւն է. Որ ես հոգամ իմ ցաւեր՝

երկրորդական, որովհետեւ վերջինս կախում ունի առաջինից և ծառայում է նրա համար, որպէս նպատակ ցոյց տուող պարագայական խօսք, պատասխանելով ինչո՞ւ հարցին։

Երկրորդական նախադասութիւնները լինում են՝ յատկացուցիչ, լրացուցիչ և պարագայական։—

Այն գետը, որ անցնում է Թիֆլիսի միջով, կոչւում է Կուր։

Որդին լսում է, ինչ որ ասում են ծնողները։

Որտեղ կայ սէր, այնտեղ կայ միաբանութիւն։

Այս օրինակներում որ անցնում է Թիֆլիսի միջով երկրորդական յատկացուցիչ նախադասութիւն է, որովհետեւ գլխաւոր նախադասութեան համար ծառայում է յատկացուցիչ. ո՞ր գետն է կոչւում Կուր— որ անցնում է Թիֆլիսի միջով։ Ինչ որ ասում են ծնողները երկրորդական լրացուցիչ նախադասութիւն է, որովհետեւ լրացնում է գլխաւոր նախադասութեան ստորոգելի միտքը. ի՞նչ է լսում որդին— ինչ որ ասում են ծնողները։ Իսկ Որտեղ կայ սէր երկրորդական պարագայական նախադասութիւն է, որովհետեւ գլխաւոր նախադասութեան համար ծառայում է, որպէս տեղ ցոյց տուող պարագայ. որտեղ կայ միաբանութիւն— որտեղ կայ սէր։

§ 23. Կան նաև երկրորդական ենթակայ և ստորոգելալ նախադասութիւններ։—

Ով որ փրանայ, շուտով չքանայ։

Յայտնի է, որ երկիրս կլոր է։

Այս տուէն այնպէս է, որ շուտով պիտի քանդուի։

Այս օրինակների մէջ՝ Ով որ փրանայ, որ եր-

կերս կըրոր է երկրորդական ենթակայ նախադասութիւններ են, որովհետեւ գլխաւոր նախադասութիւնների համար ծառայում են, որպէս ենթակայ, և պատասխանում են ո՞վ և ի՞նչ հարցերին. ո՞վ շուտով չքանայ—ով որ փրանայ. ի՞նչն է յայտնի—որ երկրորս կըրոր է: Իսկ որ շուտով պիտի քանդուի երկրորդական ստորոգեալ նախադասութիւն է, որովհետեւ գլխաւոր նախադասութեան համար ծառայում է, որպէս ստորոգեալ և պատասխանում է ի՞նչպէս է հարցին. այս տունն ի՞նչպէս է—որ շուտով պիտի քանդուի:

Վարժութիւն.—1. Հետեւեալ օրինակների մէջ որոշեցէք երկրորդական նախադասութիւնները ու նրանց տեսակը.

Հէնց Ամիրանի անունը լսեց, հովիւն իսկոյն երկիւղից ցնցեց: Տեսնելով նորա դառը տանջանքը, հովիւն յայտնեց իր համակրանքը:

Սագիկ-մագիկ, ես քեզ կը տամ քաղցր կուտիկ, որ դու ուտես: Ես կը խնդրեմ իմ մայրիկին, որ նա ժողէ քո փետուրներ: Այն տունը, որ երևում է հեռում, մերն է: Աքլորը մի օր կտուրը բարձրացաւ, որ աշխարհք տեսնի: Ծառան յայտնեց, որ եկել են հիւրերը: Խնդրեմ ասացէք, որ ժամն է: Մինչև Շուշանը դարդարւի, ժամը դուրս կը գայ: Աշակերտները մտնում են դպրոց, որպէս զի ուսում առնեն: Կան մարդիկ, որոնք չեն հասկանում ուսման նշանակութիւնը:

2. Կազմեցէք իւրաքանչիւր տեսակից մի քանի երկրորդական նախադասութիւններ:

§ 24. ՅԱՏԿԱՅՈՒՅԻՉ ՆԱԽԱԴԱՍՈՒԹԻՒՆՆԵՐԻ ԿԱՊԱՅՈՒԹԻՒՆԸ

Յատկացուցիչ նախադասութիւնները կապակցում են գլխաւորի հետ որ, ու, ով որ դերանուններով, որոնց գլխաւոր նախադասութեան մէջ պատասխանում են ակնյայտնի կամ զօրութեամբ իմացնող այն, այնպիսի, նա դերանունները:—

Այն գետը, որ անցնում է Թիֆլիսի միջով, կոչւում է Կուր: Ազնւութիւնը մի (այնպիսի) արժանիք է, որ չ'ունեն շատերը: Ես նա եմ, որին ամբողջ Վրաստան վաղուց յիշում է, կոչւում Ամիրան: Ով որ փքանայ, (նա) շուտով չքանայ:

Ինչպէս տեսնում ենք, որ դերանունը դրւում է այն հոլովով ու թւով, ինչ պահանջում է երկրորդական նախադասութեան բայը:

Որ դերանունը յատկացուցիչ նախադասութեան մէջ երբեմն փոխարինւում է ուր և երբ մակբայներով, երբ հարկ է ցոյց տալ տեղ կամ ժամանակ:—

Այն երկիրը, ուր մենք ապրում ենք, կոչւում է Կովկաս: Կար ժամանակ, երբ Անին շէն ու հարուստ քաղաք էր:

Վարժութիւն.—Կազմեցէք մի քանի երկրորդական յատկացուցիչ նախադասութիւններ:

§ 25. ՅԱՏԿԱՅՈՒՅԻՉ ՆԱԽԱԴԱՍՈՒԹԻՒՆՆԵՐԻ ԿՐՃԱՏՈՒՄԸ

Յատկացուցիչ նախադասութիւնները կրճատուում են՝

ա) Գոյական անունի օգնութեամբ, երբ նրանց ստորոգեալն արտայայտւած է գոյական անունով ու օժանդակ բայով:—

Պետրոս Մեծը, որը Ռուսաստանի թագաւորն էր, յաղթեց Շւեդացիներին:

Այստեղ որը Ռուսաստանի թագաւորն էր յատկացուցիչ նախադասութիւնը կրճատելով՝ կորցնում է իր նախադասութեան ձևը և դառնում է բացայայտիչ:—

Պետրոս Մեծը՝ Ռուսաստանի թագաւորը՝ յաղթեց Շւեդացիներին:

բ) Ածական անունի օգնութեամբ, երբ ստորոգեալն արտայայտւած է ածական անունով ու օժանդակ բայով:—

Այն մարդը, որ ըստ է, սիրելի է ամենքին: Որ ըստ է յատկացուցիչ նախադասութիւնը կրճատելով՝ կորցնում է իր նախադասութեան ձևը և դառնում է ածական յատկացուցիչ բառ:—

Բարի մարդը սիրելի է ամենքին:

գ) Դերբայի օգնութեամբ, երբ ստորոգեալն արտայայտւած է սահմանական եղ. բայով:—

Այն աշակերտը, որ աշխատում է, միշտ առաջ է գնում:

Այստեղ՝ որ աշխատում է յատկացուցիչ նախադասութիւնը կրճատելով՝ դառնում է ներկայ դերբայով յատկացուցիչ բառ:—

Աշխատող աշակերտը միշտ առաջ է գնում:

Երբ կրճատելուց յետոյ, յատկացուցիչ նախադասութեան տեղ ստացւում է անցեալ կամ ապառնի դերբայ, նրա ենթական, եթէ գոյական է, դառնում է սեռական յատկացուցիչ, իսկ եթէ դերանուն է՝ ստացական յատկացուցիչ:—

Այն գառը, որ պահել է Աստւած, գայլը չի տանի:

Այն գիրքը, որ դու պիտի տաս ինձ, արդէն կարդացել եմ:

Որ պահել է Աստւած, որ դու պիտի տաս ինձ նախադասութիւնները կրճատելուց յետոյ, նրանց տեղ ստացւում են անցեալ և ապառնի դերբայներ:—

Աստուծոյ պահած գառը գայլը չի տանի:

Քո ինձ տալու գիրքն արդէն կարդացել եմ:

Ինչպէս տեսնում ենք, առաջին նախադասութեան ենթական (Աստւած)՝ լինելով գոյական, դառնում է սեռական յատկացուցիչ (Աստուծոյ). իսկ երկրորդ նախադասութեան ենթական (դու)՝ լինելով դերանուն, դառնում է ստացական յատկացուցիչ (քո):

§ 26. Յատկացուցիչ նախադասութիւնները չեն կրճատւում՝

1) Երբ յարաբերական դերանունը դրւած է ոչ ուղղական, ոչ էլ հայցական, այլ ուրիշ հոլովով:—

Այն գիրքը, որից արտադրում եմ դասս, հայերէն է: Այն աշակերտը, որին մօտենում եմ, իմ ընկերն է:

Այս օրինակներում յատկացուցիչ նախադասութիւնները չի կարելի կրճատել, որովհետեւ յարաբերական դերանունը մէկի մէջ դրւած է բացառական, իսկ միւսի մէջ տրական հոլովով:

2) Երբ ստորոգեալ բայը դրւած է ստորադասական եղանակով:—

Գազանները որոնում են այնպիսի տեղեր, որ կարողանան ապահով ապրել:

Վարժութիւն. — Կրճատեցէք հետեւեալ երկրորդական յատկացուցիչ նախադասութիւնները.

Արեւամանուկը, որն արդէն տասնուհինգ տարեկան էր դարձել, չէր ազատւել իր ծնողների հսկողութիւնից: Բայց ինչո՞ւ լացեց այդ արի մարդը, որին անծանօթ էր ան ու դարձը: Դուցէ թէ յիշեց նա այդ ընկերին տանն անպաշտպան թողած ընտանին, որ շուտով կ'ընկնի ձեռքը թշնամուն: Ես նա եմ, որից զրկւած է շատ մարդ: Ես նա եմ, որ միշտ այս բոլոր բարիք պահում է, խնամում: Մենք անցանք մարդագետնով, որ ծածկւած էր բարձր խոտով: Յովհաննէսը, որն իմ ամենամօտ ընկերն է, երէկ եկաւ մեզ մօտ: Արգարը, որը Հայոց թագաւոր էր, ընդունեց քրիստոնէութիւնը:

§ 27. ԼՐԱՅՈՒՑԻՉ ՆԱԽԱԴԱՍՈՒԹԻՒՆՆԵՐԻ ԿԱՊԱՅՈՒԹԻՒՆԸ

Լրացուցիչ նախադասութիւնները կապակցւում են գլխաւորի հետ ինչ, ինչ որ, որ դերանուններով և թէ, որ շաղկապներով, որոնց գլխաւոր նախադասութեան մէջ ակնյայտնի կամ զօրութեամբ պատասխանում են այն, նա ցուցական դերանունները:—

Ինչ կը ցանես, այն կը հնձես:

Բաւականացիր նրանով, ինչ որ ունես:

Դու պատմէ՛ թէ ինչպէս

Աստ անտէր ու խեղճ եմ ես:

Օտարի խօսքերը, որոնք ունեն լրացուցիչ նախադասութեան միտք, ոչ մի բառով չեն կապւում գլխաւոր նախադասութեան հետ, այլ բաժանւում են նրանից միջակէտով և չափերտներով:—

Կոյր ծնւած մի մարդ հարցրեց մէկին. «Ինչ գոյն ունի կաթը»:

Բայց երբ խօսողի սեպհական բառերի տեղ՝ մէջ է բերւում միայն նրանց բովանդակութիւնը, միջակէտի և չափերտների փոխարէն դրւում է թէ կամ որ շաղկապը:—

Կոյր ծնւած մի մարդ հարցրեց մէկին՝ թէ ի՞նչ գոյն ունի կաթը:

Վարժուծին:—Կազմեցէք մի քանի երկրորդական լրացուցիչ նախադասութիւններ:

§ 28. ԼՐԱՅՈՒՑԻՉ ՆԱԽԱԴԱՍՈՒԹԻՒՆՆԵՐԻ ԿՐՃԱՏՈՒՄԸ

Լրացուցիչ նախադասութիւնները կրճատուում են՝
ա) Գոյական անունի օգնութեամբ:—

Ինձ յայտնեցին, թէ եղբայրս գալիս է:

Այստեղ թէ եղբայրս գալիս է լրացուցիչ նախադասութիւնը կրճատելով՝ կորցնում է իր նախադասութեան ձևը և դառնում է գոյական անուն:—

Ինձ յայտնեցին եղբօրս գալուստը:

Ինչպէս տեսնում ենք, այս դէպքում երկրորդական նախադասութեան շաղկապը (թէ) կորչում է, իսկ ենթական (եղբայրս) դառնում է յատկացուցիչ (եղբօրս):

բ) Անորոշ և անցեալ դերձայների օգնութեամբ:—

Լաւ մարդն ուզում է, որ ամենքին լաւութիւն անի: Ինչ կը ցանես, այն կը հնձես:

Այս երկրորդական լրացուցիչ նախադասութիւնները կրճատելով՝ դառնում են դերբայներ:—

Լաւ մարդն ուզում է ամենքին լաւութիւն անել: Յանսօճ կը հնձես:

Ինչպէս տեսնում ենք, այստեղ էլ երկրորդական նախադասութիւնների շաղկապները (որ, ինչ)

կորչում են: Իսկ երկրորդ օրինակի մէջ, բացի երկրորդական նախադասութեան շաղկապից, կորչում է նաև գլխաւոր նախադասութեան այն բառը:

Վարժուծին:—Կրճատեցէք հետեւալ երկրորդական լրացուցիչ նախադասութիւնները:

Երեխան տեսնում էր, որ հայրը կարդալիս ակնոց էր դնում աչքերին: Երեխան խնդրեց հօրը, որ իր համար էլ ակնոց առնի: Հայրը հասկացաւ՝ թէ ի՞նչ է որդու միտքը: Նա վճռեց, որ առնի որդու համար այբբենարան: Ինչոր ասաց հայրը, որդին կատարեց: Որդին պատմեց հօրը այն ամենը, ինչոր կարդաց գրքում:

§ 29. ՊԱՐԱԳԱՅԱԿԱՆ ՆԱԽԱԴԱՍՈՒԹԻՒՆՆԵՐԻ
ԿԱՊԱՅՑՈՒԹԻՒՆԸ

ա) Տեղական պարագայական նախադասութիւնները կապակցւում են գլխաւորի հետ ուր(որ) կամ որտեղ, որտեղից և այլն մակբայներով, որոնց գլխաւոր նախադասութեան մէջ ակնյայտնի կամ զօրութեամբ պատասխանում են այնտեղ, այնտեղից և այլն մակբայները:—

Որտեղ կայ սէր, այնտեղ կայ միութիւն:

Որտեղ՝ հաց, այնտեղ կաց:

Գնահ (այնտեղ), ուր որ կամենաս:

բ) Ժամանակական նախադասութիւնները կապակցւում են գլխաւորի հետ երբ(որ), հէնց(որ), թէ չէ, հազիւ թէ, քանի որ, նախ քան բառերով, որոնց գլխաւոր նախադասութեան մէջ ակնյայտնի կամ զօրութեամբ պատասխանում են այն ժամանակ, իսկոյն, միշտ և այլն:—

Երբ լուսանում է, (այն ժամանակ) մարդիկ զարթնում են:

Երբ որ ամեն բան պատրաստեց կարգին,

(Այն ժամանակ) Գնաց արքունիք տաւիղը ձեռքին:

Գարունը գալիս է թէ չէ, (իսկոյն) գիւղացիք սկսում իրանց գործը:

Քանի որ իմ զաւակունք

Այսպէս կը մնան պանդուխտ,

Ինչ միշտ սգւոր կը տեսնէք:

Նախ քան կը խօսես, մի լաւ մտածիր:

գ) Որակական նախադասութիւնները կապակցւում են գլխաւորի հետ ինչպէս(որ) կամ որպէս մակբայով, որին գլխաւոր նախադասութեան մէջ ակնյայտնի կամ զօրութեամբ պատասխանում է այնպէս մակբայը:—

Գրէ այնպէս, ինչպէս խօսում են: Սիրէր քո հայրենիքը, ինչպէս քո նախնիքներն են սիրել:

դ) Քանակական նախադասութիւնները կապակցւում են գլխաւորի հետ որքան կամ ինչքան, որչափ մակբայներով, որոնց գլխաւոր նախադասութեան մէջ ակնյայտնի կամ զօրութեամբ պատասխանում են այնքան, այնչափ մակբայները:—

Մարդ, որքան կարող է, (այնքան) պիտի օգնի ուրիշներին:

ե) Պատճառ և նպատակ ցոյց տուող նախադասութիւնները կապակցւում են գլխաւորի հետ որովհետեւ, որպէս զի, որ շղկապներով:—

Չմեռը սառչում է ջուրը, որովհետեւ ցուրտ է լինում: Աշակերտները մտնում են դպրոց, որպէս զի ուսում առնեն: Մարդիկ ապրում են, որ օգնեն իրար:

Վարժութիւն:—Կազմեցէք մի քանի երկընդդաւան պարագայական նախադասութիւններ:

§ 30. ՊԱՐԱԳԱՅԱԿԱՆ ՆԱԽԱԴԱՍՈՒԹԻՒՆՆԵՐԻ ԿՐՃԱՏՈՒՄԸ

Պարագայական նախադասութիւնները կրճատելով՝ կորցնում են իրանց շաղկապները և դառնում են հասարակ պարագայական բառեր:

ա) Տեղական նախադասութիւնները կրճատւում են դերբայի և տեղ գոյականի օգնութեամբ:—

Գնա՛, ուր որ կամենաս:

Որտեղ՝ հաց, այնտեղ կաց:

Այս նախադասութիւնները կրճատելով՝ դառնում են—

Գնա՛ կամեցած տեղը:

Կաց հաց եղած տեղում:

բ) Ժամանակական նախադասութիւնները կրճատւում են՝

1. Դերբայի և պէս բառի օգնութեամբ:—

Երբ լուսանում է, մարդիկ զարթնում են:

Այս նախադասութիւնը կրճատելով՝ դառնում է—

Լուսանալուն պէս մարդիկ զարթնում են:

2. Անորոշ դերբայի քացառ. հոլովի և յետոյ բառի օգնութեամբ:—

Երբոր ամեն քան պատրաստեց կարգին,

Կնաց արքունիք տաւիղը ձեռքին:

Այս նախադասութիւնը կրճատելով՝ դառնում է—

Ամեն բան կարգին պատրաստելուց յետոյ գնաց արքունիք տաւիղը ձեռքին:

3. Անորոշ դերբայի սեռ. հոլովի և ժամանակ բառի օգնութեամբ:—

Երբ անձրեւ է կաթկաթում, հովիւն անուշ քնի մէջ քաղցր երազ է տեսնում:

Այս նախադասութիւնը կրճատելով՝ դառնում է—

Անձրեւ կաթկաթելու ժամանակ հովիւն անուշ քնի մէջ քաղցր երազ է տեսնում:

Անձրեւ կաթկաթելու ժամանակ ձևը կարելի է է փոխարինել՝ անձրեւ կաթկաթելու միջոցին կամ անձրեւ կաթկաթելիս:

գ) Որակական նախադասութիւնները կրճատւում են սեռական հոլովի և պէս կամ նման բառի օգնութեամբ:—

Գրէ՛ այնպէս, ինչպէս խօսում են:

Սիրիւ հայրենիքդ, ինչպէս քո նախնիքներն են սիրել:

Այս նախադասութիւնները կրճատելով՝ դառնում են—

Գրէ՛ խօսելու պէս:

Սիրիւ հայրենիքդ քո նախնիքների նման:

դ) Բանական նախադասութիւնները կրճատւում են սեռական հոլովի և չափ բառի օգնութեամբ:—

Մարդ, որքան կարող է, պիտի օգնի ուրիշներին:

Այս նախադասութիւնը կրճատելով՝ դառնում է—

Մարդ իր կարողացածի չափ (կամ կարողութեան չափ) պիտի օգնի ուրիշներին:

Ստացական իր դերանունը այստեղ կարելի է փոխարինել ն (ը) յօդով:—

Մարդ կարողացածին շափ պիտի օգնի ուրիշներին:

ե) Պատժառ ցոյց տւող նախադասութիւնները կրճատուում են քացառական հոլովի օգնութեամբ:—

Ձմեռը սառչում է ջուրը, որովհետեւ ցուրտ է լինում:

Այս նախադասութիւնը կրճատելով՝ դառնում է—

Ձմեռը սառչում է ջուրը ցրտից:

Այս ձևը կարելի է փոխարինել—

Ձմեռը սառչում է ջուրը ցրտի պատճառով:

Նպատակ ցոյց տւող նախադասութիւններ կրճատուում են ղերքայի օգնութեամբ:—

Աշակերտները մտնում են դպրոց, որպէս զի ուսում առնեն:

Այս նախադասութիւնը կրճատելով՝ դառնում է—

Աշակերտները մտնում են դպրոց ուսում առնելու:

Առնելու դերբային կարելի է աւելացնել համար յետադիրը—

Աշակերտները մտնում են դպրոց ուսում առնելու համար:

Վարժութիւն. — կրճատեցէք հետեւեալ երկրորդական պարագայական նախադասութիւնները.

Հազիւ թէ ծովի ափին էր հասած, իր սիրուն քրոջ գլորեց նա ցած: Հէնց Ամիրանի անունը լսեց, հովիւն իսկոյն երկիւղից ցնցեց: Եկել եմ այնեղից, որտեղից որ եկել են մերոնք: Արդէն զօրացած էր Արեամանուկը, երբ սկսեց տաւար գնալ: Երբ գորտը տեսաւ եզան, նախանձեց նրա խոշորութեան: Գորտն սկսեց փքւել, որպէս զի հաւասարւի եզան: Մինչև հաստը կը բարակի, բարակի հոգին դուրս կը գայ: Հէնց որ լուսանում է, զարթ-

նում է աշխարհ: Արեւ մայր էր մտնում, երբ մենք հասանք գիւղը: Մեր կառապանն անդադար մտրակում էր ձիաներին, որովհետեւ ուզում էր մեզ շուտ տեղ հասցնել: Երբ անցանք գետը, հեռից երևաց զիւղը:

§ 31. ԵՆԹԱԿԱՅ ԵՒ ՍՏՈՐՈԳԵԱԼ ՆԱԽԱԴԱՍՈՒԹԻՒՆՆԵՐԻ ԿԱՊԱՅՑՈՒԹԻՒՆԸ

ա) Երկրորդական ենթակայ նախադասութիւնները կապակցւում են գլխաւորի հետ ուղ կամ ուղ որ դերանունով և որ կամ թէ շողկապներով, որոնց գլխաւոր նախադասութեան մէջ ակնյայտնի կամ զօրութեամբ պատասխանում են նա, այն ցուցական դերանունները:—

Ուղ աշխատում է, նա բարիք է վայելում:

Յայտնի է, որ երկիրս կըլոր է:

բ) Երկրորդական ստորոգեալ նախադասութիւնները կապակցւում են գլխաւորի հետ որ, ինչ որ, ինչպէս բառերով, որոնց գլխաւոր նախադասութեան մէջ ակնյայտնի կամ զօրութեամբ պատասխանում են այն, նոյն, այնպէս բառերը:—

Այս տունն այնպէս է, որ շուտով պիտի քանդւի:

Այս այն է, ինչ որ ինձ տւել ես:

Վարժութիւն: — Կազմեցէք մի քանի երկրորդական ենթակայ ու ստորոգեալ նախադասութիւններ:

§ 32. ԵՆԹԱԿԱՅ ԵՒ ՍՏՈՐՈԳԵԱԼ ՆԱԽԱԴԱՍՈՒԹԻՒՆՆԵՐԻ ԿՐՃԱՏՈՒՄԸ

Ենթակայ և ստորոգեալ նախադասութիւնները, միւս երկրորդական նախադասութիւնների նման՝

կրճատելիս կորցնում են իրանց շաղկապները:

ա) Ենթակայ նախադասութիւնները կրճատւում են դերբայի, գոյականի կամ այլ բառի օգնութեամբ:—

Ով աշխատում է, նա բարիք է վայելում:

Յայտնի է, որ երկիրս կլոր է:

Այս նախադասութիւնները կրճատելով՝ դառնում են—

Աշխատողը բարիք է վայելում:

Յայտնի է երկիրս կլորութիւնը:

Ինչպէս տեսնում ենք երկրորդ օրինակից, գոյականի օգնութեամբ կրճատելիս՝ երկրորդական նախադասութեան ենթական (երկիրս) դառնում է սեռական յատկացուցիչ (երկիրս):

բ) Ստորոգեալ նախադասութիւնները կրճատւում են դերբայի օգնութեամբ:—

Այս տունն այնպէս է, որ շուտով պիտի քանդուի:

Այս այն է, ինչ որ ինձ տուել ես:

Այս նախադասութիւնները կրճատելով՝ դառնում են—

Այս տունը շուտ քանդուելու է:

Այս է ինձ տաճող:

Վարժութիւն:—1 Կրճատեցէք հետեւեալ երկրորդական ենթակայ և ստորոգեալ նախադասութիւնները:

Միշտ քաղցր է այն, ինչոր անցել է: Հօգորի առաջ միշտ մեղաւոր է նա, ով որ անգոր է: Զուր չի աւելում, թէ մի ձեռքը ծափ չի տալ: Մինչև առաւօտ լսելի էր, թէ ինչպէս էր գոռում փոթորիկը: Խնձոր չէ այն ամենը, ինչ որ կլոր է: Քո տեսածն այն չէ, ինչ որ ես եմ տեսել: Մարդս ոչ

այլ ինչ է, եթէ ոչ մահկանացու: Աշխատասիրութեան կողմից Արամը նոյնն է, ինչ՝ Լևոնը:

2. Հետեւեալ կրճատած նախադասութիւնները դարձրէք լիակատար:

Պատմէ շատերուն Վարդանի մահը: Քեզ ուժ կը տան Մասիսի քաջը քաջ Վարդան լինելու: Մէջքիդ կը կապեմ իմ ձեռքով սրած թուր: Մեր բակումը քեզ անհամբեր սպասող ձի է կանգնած: Տէք բեհեզեայ մեզ ձեր շապիկը փաթաթելու մեր մարմնի վէրքը: Խնդալու ժամանակ, բարեկամ, երգէ երգ դու ցնծութեան:

(соединительное), 2. ներհակական (противительное, 3. տրոհական (раздѣлительное) և 4. պատժառական (винословное):

ՇԱՐԱԴՐԱԿԱՆ ԿԱՊԱԿՑՈՒԹԻՒՆ

§ 33. Շարադրական եղանակով կապակցում են միմեանց հետ ինքնուրոյն նախադասութիւնները, որոնք քերականօրէն իրարից կախում չունեն և որոնցից իւրաքանչիւրը մի առանձին միտք է պարունակում իր մէջ: Այդ անկախ նախադասութիւններն ունեն միայն ներքին տրամաբանական կապ:—

Աշունը եկաւ, թափեցաւ սաղարթ,
էլ մի փնտրիլ դու մանուշակ ու վարդ.
Բնութիւնը տխուր, պարտէզը տրտում,
Զմեռայ հոգսն է մարդոցը սրտում:

Այս բոլոր նախադասութիւնները նկարագրում են աշնանային մի պատկեր: Իւրաքանչիւրը նրանցից առանձնապէս պարունակում է իր մէջ մի ամբողջական միտք. բայց բոլորը միասին կազմում են մի բարդ նախադասութիւն, որ բաղկացած է մի քանի ինքնուրոյն նախադասութիւններից: Զը նայելով, որ առաջին, երկրորդ և երրորդ նախադասութիւններն մէջ դրւած են ստորակէտներ (,), իսկ երրորդից յետոյ՝ միջակէտ (.), բայց և այնպէս այդ բոլոր նախադասութիւնները ունեն ներքին կապ:

Ինքնուրոյն նախադասութիւնների կապակցութիւնը լինում է չորս տեսակ՝ 1. քաղհիւսական

ԲԱՂՀԻՒԱԿԱՆ ԿԱՊԱԿՑՈՒԹԻՒՆ

§ 34. Բաղհիւսական կոչում է այն նախադասութիւնների կապակցութիւնը, որոնք պարունակում են իրանց մէջ միմեանց հետ համաձայն մտքեր:—
Երուսաղէմ քաղաքի տեղը մի մշակւած դաշտ էր, և տաճարի տեղը պատկանում էր երկու եղբօր:

Քանի կը յիշեմ՝ սիրտս խոցոտի,
Ու ճմլած հոգիս վրիժու բոցօտի:

Ու գնաց որդին, շատ քրտինք թափեց,
Մեծ հարստութիւն, մեծ դանձ ժողովեց,
Ու դարձաւ հօրը, ասաց պարծանքով...

Ես մինչև մահ ու կախաղան
Էլ չեմ թողնիլ իմ գէնքը...
Էլ այսուհետ չեմ լսելու
Զանգակների ղողանջիւն:

Առաջ երկինքը թխպում է, յետոյ անձրև է գալիս:

Խաղաղ գիշեր էր. ոչ ձայն էր լսում, ոչ տերև էր շարժում: Ոչ միայն մարդիկ էին քնած, այլ և քնած էր ամբողջ բնութիւնը: Կիւրակի օր ես տանից դուրս չեկայ. առաջինը՝ մեզ մօտ հիւրեր կային, երկրորդը՝ դուրսը շատ շոգ էր:

Բաղհիւսական կապակցութեան մէջ նախադասութիւնները կապակցուում են իրար հետ եւ կամ ու, առաջ—յետոյ, ոչ—ոչ, ոչ միայն—այլ եւ, էլ—էլ, առաջինը, երկրորդը և այլ բառերով:

Վարժութիւն.—Գտէք ձեր սովորած յօդածներից ու ոտանաւորներից կամ կազմեցէ՛ք ձեզանից բաղհիւսական կապակցութեան մի քանի օրինակներ:

ՆԵՐՀԱԿԱԿԱՆ ԿԱՊԱԿՑՈՒԹԻՒՆ

§ 35. Ներհակական կոչւում է այն նախադասութիւնների կապակցութիւնը, որոնք պարունակում են իրանց մէջ միմեանց հակառակ մտքեր:—

Սարերի ձիւնը դեռ չի վերջացել,
Բայց դաշտ ու հովիտ փթթել են, բացւել:

Իր շուրջը նայեց, աչք ածեց երկար,
Բայց ոչ պահապան, ոչ էլ հովիւ կար.
Միայն մի ամպ էր լողում վերևում...

Արևն էլ շողքը կապոյտ երկնքից
Գցել է ներքև ձիւղի արանքից,
Ջուրը փայփայում, հետը խաղ անում...
Սակայն նա դարձեալ աղմուկ է հանում:

Ամառը տաք է լինում, իսկ ձմեռը՝ ցուրտ:

Ներհակական կապակցութեան մէջ նախադասութիւնները կապակցւում են իրար հետ քայց, սակայն, իսկ, միայն և այլ շաղկապներով:

Բայց կան դէպքեր, երբ ներհակական կապակցութեան մէջ բաց է թողնւում շաղկապը:—

Սիրունը գնաց առաջից տրտում,

Տգեղը՝ յետքից ոխ պահած սրտում:
Այստեղ բաց է թողնւած իսկ շաղկապը:—

Սիրունը գնաց առաջից տրտում, իսկ տգեղը՝ յետքից ոխ պահած սրտում:

Վարժութիւն.—Գտէք ձեր սովորած յօդածներից ու ոտանաւորներից կամ կազմեցէ՛ք ձեզանից ներհակական կապակցութեան մի քանի օրինակներ:

ՏՐՈՇԱԿԱՆ ԿԱՊԱԿՑՈՒԹԻՒՆ

§ 36. Տրոհական կոչւում է այն մտքերի կապակցութիւնը, որոնցից մէկի ընդունւելովը հերքւում է միւսը:—

Աշնանը կամ անձրև է գալիս, կամ եղանակը պարզ է լինում:

Կէս գիշերին գեղ լուսինը
Լող էր տալիս երկնքում,
Տխուր նայում դէպի աշխարհ
Ու ինքն իրան մորմոքւում.
Մերթ պահւում էր ամպերի տակ
Նա սարսափով ու դողով,
Մերթ ամպերից դուրս էր լողում,
Կրկին փայլում իր շողով:

Ինչպէս տեսնում ենք, տրոհական կապակցութեան մէջ նախադասութիւնները կապակցւում են իրար հետ կամ —կամ, մերթ—մերթ շաղկապներով:

Վարժութիւն.—Գտէք ձեր սովորած յօդածներից ու ոտանաւորներից կամ կազմեցէ՛ք ձեզանից տրոհական կապակցութեան մի քանի օրինակներ:

ՊԱՏՃԱՌԱԿԱՆ ԿԱՊԱՅՑՈՒԹԻՒՆ

§ 37. Պատճառական կոչւում է այն նախադասութիւնների կապակցութիւնը, որոնք պարունակում են իրանց մէջ մի երևոյթի պատճառը և նրա հետևանքը:—

Ուսումը և գիտութիւնը անհրաժեշտ են մարդու համար, այդ պատճառով էլ ծնողներն իրանց որդոց պէտք է տան դպրոց: Հայերը հասկացան իրանց մօտալուտ վտանգը, որովհետև թաթարները արդէն մօտեցել էին Հայոց երկրի սահմաններին:

Պատճառական կապակցութեան մէջ նախադասութիւնները կապակցւում են իրար հետ որովհետև, այդ պատճառով, ուստի, ուրեմն և այլ շարկապնեցով:

Սակայն յաճախ այդ շարկապնեցը բաց են թողնւում:—

Անբախտ հայրդ գիր չը գիտէր,

Հողագործ էր, կարօտ ուսման.

(Այդ պատճառով) Գիւղի անգութ վաշխադուներ

Քաղցած, ծարաւ թողին նորան,

Հազար ու մի թուղթ գրելով՝

Քո հօր տեղակ ստորագրեցին...

Վարժուծին. — Գտէ՛ք ձեր սովորած յօդածներից ու ոտանաւորներից կամ կազմեցէ՛ք ձեզանից պատճառական կապակցութեան մի քանի օրինակներ:

§ 38. Պատճառական կապակցութեանն է պատկանում նաև պայմանական (условное) կապակցու-

թիւնը, որի մէջ դարձեալ յայտնւում է մի երևոյթի պատճառը և նրա հետևանքը: Բայց պայմանական կապակցութիւնը տարբերւում է պատճառականից նրանով, որ պատճառական կապակցութեան մէջ երևոյթի պատճառը կայ կամ պիտի լինի. իսկ պայմարականի մէջ այդ պատճառը կարող է լինել և չը լինել, ուստի նրա հետևանքն էլ կարող է իրագործւել և չ'իրագործւել:—

Եթէ քամին դադարում է և ծովը հանդարտ է լինում, նաւերն ազատ առաջ են լողում:

Պայմանական կապակցութեան մէջ նախադասութիւնները կապակցւում են իրար հետ եթէ շարկապով:

Վարժուծին. — Գտէ՛ք ձեր սովորած յօդածներից ու ոտանաւորներից կամ կազմեցէ՛ք ձեզանից պայմանական կապակցութեան մի քանի օրինակներ:

ՊԱՐԲԵՐՈՒԹԻՒՆ

§ 39. Պարբերութիւն (периодъ) կոչւում է այն բարդ նախադասութիւնը, որ սովորականից լինում է աւելի ընդարձակ, պարունակում է իր մէջ աւելի լիակատար միտք և ունի գեղարւեստական ձև:—

Երբ առաւօտեան արևը պայծառ

Ոսկեգօծում էր դաշտերը վալար,

Զանասէր մեղւին ծաղկոց հրաւիրում,

Շինականներին հանդը դուրս բերում,—

Մակարը քաղցած՝ պառկած էր թախտին,

Պարապ ու սարապ ըսպասում բախտին:

Այս պարբերութիւնը կարգալիս՝ մեր ձայնը նրա առաջին մասում բարձրանում է ու աճում, իսկ երկրորդ մասում՝ ցածրանում է ու նւազում: Այդ պատճառով էլ առաջին մասը կոչւում է *աճում*, իսկ երկրորդ մասը՝ *նւազում*: Առհասարակ աճումը բաժանւում է նւազումից ստորակէտով կամ ստորակէտով ու անջատման գծով (,—):

Կարճ պարբերութիւնը կոչւում է պարզ, իսկ աւելի ընդարձակը՝ բարդ:

Պարբերութիւնն ունի երկու վերլուծութիւն՝ 1) տրամաբանական, երբ ուշադրութիւն ենք դարձնում նրա բովանդակութեան և մտքի վրա, և 2) նամատայնական, երբ ուշադրութիւն են դարձնում նրա կազմութեան վրա:

Երբ պարբերութիւնը վերլուծում ենք տրամաբանական կողմից, պէտք է ցոյց տանք նրա թէ գլխաւոր միտքը, այսինքն պարբերութեան ընաբանը (թէման), և թէ երկրորդական մտքերը:

Վերևի պարբերութեան մէջ գլխաւոր միտքն է՝ Մակարը քաղցած սպասում էր բախտին, որ արտայայտած է նւազումի մէջ, իսկ բոլոր միւս մտքերը երկրորդական են:

Երբ պարբերութիւնը վերլուծում ենք համաձայնական կողմից, պէտք է ցոյց տանք՝ թէ քերականական ինչ եղանակով են կապւած միմեանց հետ նրա աճումը և նւազումը՝ ստորադրական, թէ՞ շարադրական:

Պարբերութիւնները լինում են ութը տեսակ՝ 1. պատճառական (причинный), 2. պայմանական (условный), 3. համեմատական (сравнительный), 4. քաջատրական (изъяснительный), 5. հետեւողական (последовательный), 6. ներհակական (противительный), 7. քաղհիւսական (соединительный) և 8. տեղատրական (уступительный):

§ 40. Պատճառական կոչւում է այն պարբերութիւնը, որի մի մասը պարունակում է իր մէջ մի բանի պատճառը կամ հիմքը, իսկ միւսը՝ այդ պատճառի կամ հիմքի հետեւանքը: Այդ պարբերութեան մասերը միանում են իրար հետ որովհետեւ, ուստի և այլ քերականական կապերով:—

Շատ հեղինակներ, չը նայեաժնրանց ուսումնականութեան ու գիտութեան, վրդովում են հոգիս և այն ժամանակ, երբ ասում են ճշմարտութիւն, ||

որովհետեւ այդ ճշմարտութիւնը մեռած է նրանց բերանում, որովհետեւ այդ ճշմարտութիւնը բղխում է նրանց ոչ բարի սրտից, որովհետեւ սիրոյ շունչը չի տաքացնում այդ ճշմարտութիւնը:

Վարժութիւն.— Կազմեցէք պատճառական պարբերութիւններ այս բնաբաններով՝ 1. Ամենալաւ հարստութիւնը գիտութիւնն է, 2. Մի ծաղիկով գարունն չի լինիլ:

§ 41. Պայմանական կոչւում է այն պարբերութիւնը, որ պարունակում է իր մէջ մի բանի թէական կամ ենթադրական պատճառը և նրա թէական կամ ենթադրական հետեանքը: Այս պարբերութեան մասերը միանում են իրար հետ եթէ, թէ, թէ որ—այն ժամանակ և այլ կապերով:—

Երկար աշխատանքից յետոյ, եթէ ուզում էք հանգստացնել ձեր ջղերը, հեռու լինել քաղաքային աղմկալի կեանքից ու նեխած օդից. եթէ ուզում էք, որ ձեզ չը խանգարեն կառքերի ձայնը ու գիշերը հանգիստ քնէք ձեր տանը. եթէ ուզում էք պարզ ու նահապետական կեանք վարել, || գնացէք գիւղը, որտեղ կը հանգստանաք բնութեան ծոցում, կը շնչէք մաքուր ու առողջարար օդ, կը զբօսնէք կանաչ ծառերի հովանու տակ, կը լսէք թռչունների անուշ դալալը ու բիւրեղափայլ առուների քաղցր կարկաշիւնը:

Վարժութիւն.— Կազմեցէք մի քանի պայմանական պարբերութիւններ այս բնաբաններով՝ 1. Անգործութիւնը մեղվընաս է բերում, 2. Անհունար մարդու լեզուն երկար կը լինի:

§ 42. Համեմատական կոչւում է այն պարբերութիւնը, որի մէջ համեմատւում են իրար նման ա-

ռարկաներ: Այս պարբերութեան մասերը միանում են իրար հետ՝ ինչպէս—այնպէս, պէս, նման, ինչքան.—այնքան և այլ կապերով:—

Ինչպէս աշնան երկնքիցը

Կըտրւում է անձրևը,

Եւ ամպերի միջից յանկարծ

Շողշողում է արևը,— ||

Այնպէս էլ գեղ. չքնաղ կոյսի

Արտասունքը դադարեց.

Յուսոյ փայլը շողաց յանկարծ,

Նախշուն դէմքը զարդարեց:

Վարժութիւն.— Կազմեցէ՛ք համեմատական պարբերութիւններ այս բնաբաններով՝ 1. Մով և արտ, 2. Տուն ու բուն:

§ 43. Բացատրական կոչւում է այն պարբերութիւնը, որ պարունակում է իր մէջ մի բանի աստիճանը կամ ոյժը: Այս պարբերութեան մասերը միանում են իրար հետ՝ այնպէս—որ, այնքան—որ, այնքան—մինչեւ որ և այլ կապերով:—

«Վէրք Հայաստանին» այնքան ոգևորել էր Խ. Աբովեանին, || որ հեղինակն այդ գիրքը գրելիս՝ մոռացել էր ամեն բան. ոչ մի ըոպէ չէր հանգստանում, անդադար գրում էր ու գրում. ոչ ճաշի ժամանակ էր ճաշում, ոչ քնի ժամանակ էր քնում, չը նայելով, որ տանեցիք շուտ-շուտ յիշեցնում էին նրան այդ մասին:

Վարժութիւն.— Կազմեցէ՛ք բացատրական պարբերութիւններ այս նիւթերով՝ 1. Մարդ ինչքան բարի պիտի լինի, 2. Մինչև Շուշանը զարդարւի, ժամը դուրս կը գայ:

§ 44. Հետետողական կոչւում է այն պարբերու-

թիւնը, որ պարունակում է իր մէջ իրար յաջորդող
գործողութիւններ կամ դէպքեր: Այս պարբերու-
թեան մասերը միանում են իրար հետ՝ նրբ—այն
ժամանակ, հէնց որ—իսկոյն և այլ կապերով:—

Նրբ մզկիթից Մուհամէդի
Ազանը զիւ հնչում էր, ||
Ամեն անգամ Ազամ-Ալին
Սրտի խորքից հրճւում էր.
Նա հինայած, կարմրաթաթախ
Իր մօրուսը շփելով՝
Սկըսում էր իր նամազը,
Մառը գետնին չոքելով:

Վարժումին:—Կազմեցէք հետևողական պարբերութիւն-
ներ այս բնաբաններով՝ 1. Գարնան դալը, 2. Ինչ են տնում
մարդիկ աշնանը:

§ 45. Ներհակական կոչում է այն պարբերու-
թիւնը, որ պարունակում է իր մէջ իրար հակադիր
մտքեր: Այս պարբերութեան մասերը միանում են
իրար հետ՝ քայց, սակայն, ընդհակառակը և այլ կա-
պերով:—

Ագուլիսի տների մէջ
Լոյսը վաղուց մարել է,
Եւ յոգնատանջ ժողովրդի
Քունը վաղուց տարել է, ||
Բայց Մուսայի, Ազամ-Ալու
Քունը բնաւ չէր տանում.
Ամբողջ գիշեր արթուն նստած՝
Խորհում էին այլանում:

Վարժումին:—Կազմեցէք ներհակական պարբերութիւն-
ներ այս բնաբաններով՝ 1. Թռչունների մէջ սոխակը բոլորից
գեղեցիկ է երգում, 2. Հայրենիքը սուրբ է բոլորի համար:

§ 46. Բաղհիւսական կոչում է այն պարբերու-
թիւնը, որ պարունակում է իր մէջ մի շարք իրար
հետ միացած երևոյթներ: Այս պարբերութեան մա-
սերը միանում են իրար հետ՝ ոչ միայն—այլ եւ,
ոմանք—ոմանք և այլ կապերով:—

Պետրոս Մեծը ոչ միայն յաղթեց Շւեդացիներին
ու ընդարձակեց Ռուսաստանի սահմանները, ||
այլ եւ զօրեղացրեց նաւատորմիդը, տարածեց ու-
սումը և զիտութիւնը, փոխեց ժողովրդի նիստ ու
կացը և շատ բարենորոգութիւններ մտցրեց իր եր-
կրում:

Վարժումին. —Կազմեցէք բաղհիւսական պարբերութիւն-
ներ այս բնաբաններով՝ 1. Մարդ ինչքան բարի պիտի լինի,
2. Աշխատանքը յաղթում է բոլոր դժարութիւններին:

§ 47. Տեղատուական կոչում է այն պարբերու-
թիւնը, որ պարունակում է իր մէջ մի բանի հա-
կառակ հետեանքը: Այս պարբերութեան մասերը մի-
անում են իրար հետ՝ թէպէտ (թէեւ)—քայց, ճիշտ է
—քայց, թող, չը նայելով—այնուամենայնիւ և այլ
կապերով:—

Թէպէտ տունկա փոքրիկ է, ցած,
Արօտներում միշտ թաք կացած, ||
Բայց իմ փունջս ամենի տան,
Թէ աղքատի, թէ մեծատան,
Իբրեւ զարնան առաջին գոյնը,
Կարէ տեսնել ամեն մի յարմար:



Թող փչէ քամին պաղ-պաղ երեսիս,
Վերէն ամպերէն սաստիկ ձիւն թող գայ,
Որքան որ կ'ուզէ՝ թող փչէ հիւսիս, ||
Յոսոով եմ, վաղ-ուշ գարուն պիտի գայ:

Վարժութիւն: Կազմեցէք տեղատւական պարբերութիւն-
ներ այս բնաբաններով՝ 1. Աղքատութիւնը արատ չէ. 2. Ամեն
բան իրան տեղը:



ՀԱՅԱՍՏԱՆԻ ՎՐԻՊԱԿՆԵՐ

Երես	Տող	Սխալ	Ուղիղ
3	16	եմ	իմ
5	10	փոփոգւող	փոփոխւող
13	17	գարուը	գարունը
15	26	ձեքից	ձեռքից
47	2	սկսում	սկսում են
50	11	նախադասութիւններ	նախադասութիւնները
57	3	սիրուն	սիրունը
59	5-6	պայմարականի	պայմանականի
61	18	ПОСЛѢДОВАТЕЛЬНЫЙ	ПОСЛѢДОВАТЕЛЬНЫЙ
63	27	նիւթերով	բնաբաններով
64	14	նիւթերով	բնաբաններով

Յ Ա Ն Կ

Երես

Առաջաբան	3
§ 1. Համաձայնութիւնը և նրա բաժանումը	5

I

ԲԱՌԵՐԻ ԿԱՊԱԿՑՈՒԹՅՈՒՆԸ

Նախադասութեան անդամների արտայայտու-
թիւնը բանի մասերով

§ 2. Ենթակայի արտայայտութիւնը	7
§ 3. Ստորոգեալի արտայայտութիւնը	7
§ 4. Լրացուցչի արտայայտութիւնը	8
§ 5. Յատկացուցչի արտայայտութիւնը	8
§ 6. Պարագայական բառերի արտայայտութիւնը	9
Ստորոգեալի համաձայնութիւնը ենթակայի հետ	
§ 7. Պարզ ստորոգեալի համաձայնութիւնը	10
§ 8. Բարդ ստորոգեալի համաձայնութիւնը	12
§ 9. Բայի ժամանակների գործածութիւնը	14
Յատկացուցչի համաձայնութիւնը յատկա- ցեալի հետ	
§ 10. Ածական յատկացուցչի համաձայնութիւնը	19
§ 11. Դերբայ, դերանուն և թւական յատկացուցչի համաձայնութիւնը	20
§ 12. Գոյական յատկացուցչի համաձայնութիւնը	21
Հոլովների գործածութիւնը	
§ 13. Ուղղական հոլով	24
§ 14. Սեռական հոլով	25
§ 15. Տրական հոլով	26
§ 16. Հայցական հոլով	28
§ 17. Բացառական հոլով	30
§ 18. Գործիական հոլով	32

§ 19. Ներդրական հոլով	34
§ 20. Կոչական հոլով	35

II

ՆԱԽԱԴԱՍՈՒԹԻՒՆՆԵՐԻ ԿԱՊԱԿՑՈՒԹԻՒՆԸ

§ 22. Ստորադրական կապակցութիւն	36
§ 23. Ենթակայ և ստորոգեալ նախադասութիւններ	37
§ 24. Յատկացուցիչ նախադասութիւնների կապակցութիւնը	39
§ 25. Յատկացուցիչ նախադասութիւնների կրճատումը	40
§ 27. Լրացուցիչ նախադասութիւնների կապակցութիւնը	43
§ 28. Լրացուցիչ նախադասութիւնների կրճատումը	44
§ 29. Պարագայական նախադասութիւնների կապակցութիւնը	46
§ 30. Պարագայական նախադասութիւնների կրճատումը	48
§ 31. Ենթակայ և ստորոգեալ նախադասութիւնների կապակցութիւնը	51
§ 32. Ենթակայ և ստորոգեալ նախադասութիւնների կրճատումը	51
§ 33. Շարադրական կապակցութիւն	54
§ 34. Բաղհիւսական կապակցութիւն	55
§ 35. Ներհական կապակցութիւն	56
§ 36. Տրոհական կապակցութիւն	56
§ 37. Պատճառական կապակցութիւն	58
§ 38. Պայմանական կապակցութիւն	58
§ 39. Պարբերութիւն	60
§ 40. Պատճառական պարբերութիւն	61
§ 41. Պայմանական պարբերութիւն	62
§ 42. Համեմատական պարբերութիւն	62
§ 43. Բացատրական պարբերութիւն	63
§ 44. Հետևողական պարբերութիւն	63
§ 45. Ներհական պարբերութիւն	64
§ 46. Բաղհիւսական պարբերութիւն	65
§ 47. Տեղատական պարբերութիւն	65



8

ՀՈՅՍ ԵՆ ՏԵՍԵԼ

Յարուրիւն Թումանեանի

1) ԽՕԼԵՐ, ՎՕԴԸԸԻԼ	20	Կողմ.
2) ԱՐԻՈՒԹԵՈՆ ԹԵԻԵՐԸ (Թարգմ.)	30	»
3) ԱՄՈՒՐԻՆ (սակաւաթիւ)	20	»
4) ՀԱՆԱՔ ՈՒ ԴԱՆԱԿ (սակաւաթիւ)	30	»
5) ԲԱՆԱՍՏԵՂԾՈՒԹԻՒՆՆԵՐ (սակաւաթիւ)	50	»
6) ՄԵԼԻՔ-ԲԷԳԼԱՐ, պատմ, պօէմ (սակաւաթիւ)	10	»
7) ՄԵԼԻՔ-ԻՒՍՈՒՓ, » »	20	»
8) ՄՈՒՍԱ, պատմ. պօէմ I նւագ	20	»
9) ՄՈՒՍԱ, » » II »	20	»
10) ՆՈՒԱԳՆԵՐ	30	»
11) ՀԱԶԱՐԱՆ-ԲԼԲՈՒԼ, ֆէէրիա 3 արարածով	30	»
12) ԱՐՏԱԽԱԶԴ Բ. պատմ. ֆէէրիա 4 պատկերով	30	»
13) ՈՒՂՂԱԳՐԱԿԱՆ ԱՂԻՒՄԱԿ	3	»
14) ՌՈՒՍ-ՀԱՅԵՐԷՆ ԲԱՌԱՐԱՆ	75	»
15) ՀԱՅ-ՌՈՒՍԵՐԷՆ ԲԱՌԱՐԱՆ	1 ս.	»
16) ՍՏՈՒԴԱՐԱՆՈՒԹԻՒՆ Բ. տպագրութիւն	40	»
17) ՀԱՄԱԶԱՅՆՈՒԹԻՒՆ	40	»

ԳԻՆՆ Է 40 ԿՈՊ

Դիմել՝ Թիֆլիսի Ղրափաճառներին կամ հեղինակին՝

Тифлисъ, Чавчавадзевская, № 25 а,

Арутюну Туманьяну,